


**KALIKATA LITTLE MAGAZINE LIBRARY-O-GABESHANA KENDRA**  
**18/M TAMER LANE, KOLKATA-700009**

Record No. : KLMLGK 2007/	Place of Publication : <sup>কলিকতা</sup> 202 গবর্নমেন্টাল লাইব্রেরি, এম-২০
Collection : KLMLGK	Publisher : <sup>কবি (৫০) কবি</sup>
Title : <sup>কবিতা</sup> (KAVITA)	Size : 5.5" X 8.5"
Vol. & Number : 21/2 21/4 22/3 24/4 23/2	Year of Publication : Dec 1956 (১৯৫৬) (১৯৫৬) (১৯৫৬)
	Condition : Brittle / Good ✓ ✓
Editor : <sup>কবি (৫০) কবি</sup>	Remarks :

C.D. Roll No. : KLMLGK

# কবিতা



সম্পাদক

বুদ্ধদেব বসু



পৌষ ১৩৬৫  
এক টাকা



প্রকৃতির  
দিন—  
'লক্ষ্মী ঘি'  
স্বাস্থ্য ও সৌন্দর্যের  
উৎস।

লক্ষ্মী দাস প্রেস জী • কলিকাতা-১২

কবিতা



কবিতা

পৌষ ১৩৩৫

কবিতা


বিষ্ণু দে, আলোকরঞ্জন দাশগুপ্ত, মোহিত চট্টোপাধ্যায়, প্রভাকর সেন,  
সমরেন্দ্র সেনগুপ্ত, তারাপদ রায়, প্রণবেন্দু দাশগুপ্ত,  
তরুণ সান্যাল, দীপক মজুমদার, মানবেন্দ্র বন্দ্যোপাধ্যায়

অনুবাদ

সফোক্রেসের আন্তিগোনে ... আলোকরঞ্জন দাশগুপ্ত  
স্বেফান মালার্নের ছুটি কবিতা ... প্রণব চট্টোপাধ্যায়


প্রবন্ধ

পাণ্ডেরনাথ-এর প্রসঙ্গে ... অমিয় চক্রবর্তী  
আধুনিক বাংলা কবিতা ... নরেশ গুহ  
উনগারেস্তির কবিতা ... প্রণবেন্দু দাশগুপ্ত



### সুদূরপ্রসারী প্রতিক্রিয়া ...

কোন অলস ছপুঁরে নিস্তরঙ্গ কোন জলাশয়ে ঢিল ছুঁড়েছেন  
কখনও ? লক্ষ্য করেছেন, জলে যে প্রতিক্রিয়া হয় তাতে  
বৃত্ত থেকে বৃহত্তর বৃত্তের সৃষ্টি হ'তে হ'তে ক্রমে তা'  
জলাশয়ের তটকে স্পর্শ করে ? ট্রেনের বিপদ-জ্ঞাপক  
শৃঙ্খলের অথবা প্রয়োগেও যে প্রতিক্রিয়ার সৃষ্টি  
হয় তার ফলও এমনি সুদূরপ্রসারী—কোন বিশেষ  
ট্রেনের যাত্রাই শুধু তা'তে বিদ্রিত হয় না, পর  
পর বহু ট্রেনই বিলম্বিত হয়। ফলে, যাত্রী ও রেল-  
প্রতিষ্ঠান—উভয়েই ক্ষতিগ্রস্ত হন এবং আর্থিক  
ক্ষতি সরকারী তহবিল থেকেই মেটাতে হয়।  
আর, এই ঘটনার সন্ধে একেবারেই সংশ্রবহীন সাধারণ  
মাত্রই এই ক্ষতির দায় বহন করে থাকেন।



পূর্ব রেলওয়ে

\* অপরিসীম প্রয়োজনের  
জন্মই বিপদ-শৃঙ্খল,  
অথবা ব্যবহারের  
জন্ম নয়।



কাবিতা

পৌষ ১৩৬৫

বর্ষ ২৩, সংখ্যা ২

ক্রমিক সংখ্যা ৯৩

এ আর ও

বিষ্ণু দে

'স সর্বেষু লোকেষু সর্বেষু ভূতেষু সর্বেষাঋষমমতি।'—ছান্দোগ্য উপনিষদ

ও ঢাকে সত্যের মুখ হিরণ্ময় হ্রদে, আকাশে  
স্বর্ণকে লাস্ত্রিত করে অনৃতের অহঙ্ক ধৌয়ায়,  
অম্পষ্ট মানসে দিনরাত্রি তাকে শাশন-উজ্জ্বলে,  
কারণ মৃত্যুর মাঠে জন্ম ওর রাস্তির রৌয়ায়।  
আর এর দেহমন অক্ষিত, অচ্যুত, নিঃসংশয়;  
মুময়ীর বাহু স্নিগ্ধ ছিল এর জন্মের সময়,  
তাই এ অপাপবিদ্ধ; খোঁয়ারিতে ও যবে গোড়ায়  
এ হাঙ্গে, প্রাকৃতজন স্বাধীন কি খণ্ডিত ভঙ্গিতে ?  
এ জানে কর্তিত মুক্তি সর্বত্রিয়ে হু-হাতে আখাসে  
মনন যোহানে স্বহ প্রত্যাহের তৎসং বিশ্বাসে :  
নিষাদের সংস্কৃতিই মহাকাব্য সীতার গণ্ডিতে।

তাই এ দিনান্তে শ্রান্ত, ঘরমুখো। এর শুধু পেশী  
কর্মরাস্ত, তাই গোপুলিতে গার্হপত্যে ফেরে, ঘুম  
ঘর চায়, ঘরনী ও পুত্রকন্ঠা, ঋমের আরাাম।  
স্বর্ধের আরন্তে তাই এর শুধু স্বচ্ছ প্রতিদিন।  
আর ওর রাস্তি হ'লো প্রারম্ভিক, আজমানিঃস্কুম  
গোপুলিতে রূতা শুক, রাস্তি থেকে কর্ম, ভিন্দেদৌ

কবিতা  
পৌষ ১৩৬২

বিচ্ছিন্ন অঙ্কুত, তাই নৈনিক সে মিয়ে যায় দাম  
মৃত্যুর মোমক কিনে, জীবনে সে জীবে প্রেমহীন।  
স্বায়ত্ব শূন্যের রাস্তি, তাই তার ক্রিয়া অকর্মক  
নিরুদ্ধেশ, বিভক্তিতে ভুলে গেছে কর্মের কারক।

এতে ওতে মুখোমুখি হ'লে হাওয়া হিম হ'য়ে যায়,  
বর্ষায় নির্জলা দেশ; শিশিরে গলিত নেশা জলে।  
ও যবে বকৃত্য দেয় আধিগ্রন্থ কবন্ধ কৌশলে,  
নীলাকাশে মুক্ত এর হাত চলে লাঙলে চাকায় ॥

কবিতা  
বর্ষ ২৩, সংখ্যা ২

আধুনিক বাংলা কবিতা

নরেশ গুহ

কবিতা লেখাও বরং সহজ কিন্তু কবিতার বিষয়ে লেখা আর অসাধ্যসাধন করা  
প্রায় এক কথা। বাইরের দিক থেকে বলা যেতে পারে—কবিতার ভাষাটা  
কেমন, ছন্দ মিলের মধ্যে কোনো কৌশল আছে কিনা, চিত্রকল্পের ব্যবহার  
কোথায় সার্থক হয়েছে, কিংবা হয়নি। ধরা-ছোঁয়ার মধ্যে বর্ণনা করবার মতো  
কোনো প্রসঙ্গ থাকলে তারও আলগা একটা বিশ্লেষণ হয়তো করা যায়  
দেখানো যায় কাছের বা দূরের কী ঘটনার ছায়া পড়েছে তাতে, কিংবা পড়েনি;  
কেমন অনায়াসে সেই সব 'যুগান্তকারী' ব্যাপারকে কবি উপেক্ষা করে গেছেন,  
কোথাও বা তাতেই আকর্ষণ মজ্জেন। কোন কবির মনের গড়নটা যেন এই  
রকমের, যদিও ঠিক এই রকমের নয়ও আবার। অনেক কথা জানা যায়, শেখা  
যায় এ-সব থেকে, শুধু কবিতার রূপপিণ্ডের ধনি নীরব থাকে। অথচ রক্তের  
স্পন্দনের মতোই নিজের অন্তরকে পৌঁছে দিতে পারাই তো কবিতার লক্ষণ।  
সে-কাজটা ঠিক কী উপায়ে সম্পাদিত হয় তার কথা, আভালে ইঙ্গিতে হ'লেও,  
তঁারাই ভালো ব্যক্ত করতে পারেন, কোলরিজ বা এলিঅটের মতো যারা  
নিজেরাও কবি, সেই সন্দেহ ভাবুক।

তার মানে এ নয় যে কবি-সমালোচক ছাড়া আর কারো পক্ষে এ-কাজে  
হাত দিতে যাওয়া পণ্ড্রম। বরং এটাকেই সত্য বলে ধরে নেয়া যায় যে  
কোনো-না-কোনো সময়ে কবিতার সহায় ও বোদ্ধা পাঠক জুটবেই। আধুনিক  
বাংলা কবিতা বিষয়ে, নিজেরা কবি না-হ'য়েও, যারা ইতিপূর্বে সহায় আলোচনা  
করেছেন, তাঁদের মধ্যে আছেন অতুলচন্দ্র গুপ্ত, রবীন্দ্রনাথ রায়গ বোথ, আব্দু  
সমীদ আইয়ুব ও বিমলচন্দ্র সিংহ। কিন্তু পূর্ণাঙ্গ একটা আলোচনার গুরু  
দায়িত্ব প্রথম নিলেন শ্রীমতী দীপ্তি জিপাঠী, এবং যেভাবে এই দায়িত্ব তিনি  
পালন করে উঠেছেন তাতে আমরা বিস্মিত ও কৃতজ্ঞ বোধ করছি।\*

\* আধুনিক বাংলা কাব্যপরিচয়: দীর্ঘাঙ্গ রিপাঠী। নাভানা। ছয় টাকা।

## কবিতা

পৌষ ১৩৩৫

ক্রীমতী ত্রিপাঠা বে-পাচজন কবিকে আধুনিক বাংলা কাব্য-আন্দোলনের পুরোধা বলে বেছে নিয়েছেন—তাদের আলোচনা প্রসঙ্গে শুধু অগ্রজ রবীন্দ্রনাথকে এনেছেন তা নয়, সমসাময়িক পাশ্চাত্য কবিদের কার্যকলাপও তিনি বিস্মৃত হননি। বিনিময়ের মধ্য দিয়ে পৃথিবীর মাহুঘ ক্রমেই পরস্পরের এত কাছে এসে পড়ছে যে এ-যুগে আর সব জিনিসের মতো সাহিত্য-শিল্পকেও একমাত্র রবেশীয় সংস্কৃতির পরিপ্রেক্ষিতে দেখা সম্ভব হচ্ছে না। এবং কবিদের মনের গড়ন আর দৃষ্টিভঙ্গির বিশিষ্টতার কথা বলতে গিয়ে গত একশো বছরের পৃথিবীতে সমাজ, রাষ্ট্র, দর্শন, বিজ্ঞান ইত্যাদি নানা দিকে যে-সব বড়ো-বড়ো পরিবর্তন ঘটে গেছে, যে-সব ঢেউয়ের আন্দোলন এসে শিল্পীর চিত্তেও পৌঁছতে বাধ্য, সে-সব কথাও তাঁকে আনতে হয়েছে। অবশ্য এমন দাবি যদি আমরা করি যে কবিতা পড়তে গেলে পাঠককে আরো দশটা গুরুতর বিষয়ে জ্ঞানী হ'তে হবে, তাকে বুঝতে হবে রোমাটিকের 'কল্পনা' বিষয়টা কী, লক্-এর দর্শন কী বলে, জানতে হবে ক্রয়েভীয় মনোবিজ্ঞান-তত্ত্ব, নক্ষত্র আর নৃত্যবিদদের গবেষণা, জড়বাদের বিপর্যয়কাহিনী এবং ফ্রান্সের প্রতীকী আন্দোলন, ইমেক্সিস্ট-স্মারিয়রিসিস্টদের ক্রিয়াকলাপ, ইম্প্রেশনিস্টদের শিল্পচিন্তা এবং মার্ক্সীয় ইতিহাসচেতনা এবং ইত্যাদি-ইত্যাদি, তাহ'লে সংগত কারণেই ভাঙা আসর আরো খালি হ'য়ে যাবে। আসলে যে-যুগে আমরা বাঁচি সে-যুগের হাওয়া থেকেই এ-সব জিনিস আমরা অল্পবিশ্বর পেয়ে যাই। সেটা যাদের পক্ষে সম্ভব হয় না, যারা এই সবের মধ্যে থেকেও যেন নেই, কোনো তোলপাড় ছন্দুভাই যাদের নিহার ব্যাঘাত ঘটাতে পারে না, এ-যুগের কবিতা প'ড়ে অর্থোদ্বার করতে হ'লে খানিকটা তৈরি তাদের হ'তেই হবে। 'কিছুই সহজ নয়, কিছুই সহজ নেই আর।'

আধুনিক কবিতা জটিল—এ-অভিযোগটা যেমন পুরোনো তেমনি টেকসই। তাহ'লেও এ-বিষয়ে দৃষ্টিস্তা নিপ্রয়োজন। জটিলতাই যার একমাত্র গুণ সে-জিনিস কবিতা নাও তো হ'তে পারে। তাছাড়া এ-গুণটা শুধু সাম্প্রতিক কবিতারই অপূর্ব উদ্ভাবন নয়। চিরকালই কিছু-কিছু কাব্য জটিল থেকেছে,

## কবিবা

বর্ষ ২৩, সংখ্যা ২

আবার প্রথম পাঠের ফলেই অভিভূত হ'তে হয় এমন কবিতারও অভাব নেই এ-কালে। তার চাইতে, আধুনিক কবিতা কাকে বলে, সে-কথাটা বেশি জরুরি। কোনো-এক বিশেষ তারিখের পর থেকে লেখা কবিতা মাঝেই যে আধুনিক নয় সে-কথা শুধু এই থেকেও অহমান করা যায় যে লেখিকা তাঁর আলোচনার জগৎ অনেকের মধ্যে মাত্র পাঁচজনকে বেছে নিয়েছেন। তিনি ঠিক কোনো সংজ্ঞার্থ দিয়েছেন বলবো না, কী-কী লক্ষণ আধুনিক কাব্যে দেখা যায় তিনি তার একটা তালিকা করেছেন। বলেছেন :

- ১। কালের দিক থেকে আধুনিক কবিতা প্রথম মহাযুদ্ধের পরবর্তী।
- ২। ভাবের দিক থেকে তা রবীন্দ্রপ্রভাব থেকে মন্তিলভের প্রয়াস।
- ৩। সৃষ্টির দিক থেকে তা নবতম সূত্রের সাধক।

ভাব অবশ্য কবিদের নিজের হওয়াই বাঞ্ছনীয়, সেটা কথা নয়। কিন্তু আধুনিকদের মধ্যে একের সঙ্গে অল্পের কবিতার পার্থক্য এতই প্রকট, মেজাজ এবং রীতির দিক দিয়ে তাদের মধ্যে অমিলের তুলনায় মিলটা এতই কম চোখে পড়ে যে এ থেকে কোনো সামান্য লক্ষণ খুঁজে বার করতে গেলে বিপদে পড়তে হয়। উপরোক্ত লক্ষণ তিনটি এতই অস্পষ্ট যে তা আমাদের জিজ্ঞাসাকে শান্ত করে না। লেখিকা নিজেও সে-কথা জানেন, তাই তিনিও শুধু ঐ কথা বলেই ক্ষান্ত হ'তে পারেননি। কথাটা আরো বিশদ, আরো যথাযথ করতে গিয়ে বলেছেন, ভাবের দিক থেকে বারোটি এবং আঙ্গিকের দিক থেকে বারোটি লক্ষণ আধুনিক কবিতায় বর্তমান। উপরন্তু যোগ করেছেন যে 'রবীন্দ্রপ্রভাব থেকে মন্তিলভের প্রয়াস' বলতে বুঝতে হবে 'আধুনিক কবিদের বিদ্রোহ রবীন্দ্রনাথের বিরুদ্ধে নয়, রোমাটিকতার বিরুদ্ধে।'

সব মিলিয়ে ব্যাপারটা অবশ্য জটিল হ'য়ে গেলো। নতুন লেখা থেকে আধুনিক কবিতাকে বেছে নিতে গেলেও এ থেকে কোনো সাহায্য পাওয়া যাবে কিনা সন্দেহ। সংজ্ঞার্থমাঝেই সংক্ষিপ্ত হয়, এবং সেই পরিসরের মধ্যে একমাত্র সামান্য লক্ষণেরই স্থান হতে পারে। ভাবের দিক থেকে দ্বাদশ লক্ষণের সবগুলি প্রতিটি আলোচ্য কবির রচনায় নেই। আমি অন্তত অমিয় চক্রবর্তী

কিংবা স্বীকৃতিস্বরূপ দত্তের রচনায় 'রবীন্দ্র-ঐতিহ্যের বিরুদ্ধে সচেতন বিদ্রোহের' কোনো নমুনা আছে বলে জানি না। 'বর্তমান জীবনের ক্রান্তি ও নৈরাশ্রবোধ'ই বা বিষ্ণু দে-র পরবর্তী রচনায় অথবা অমিয় চক্রবর্তীর সমগ্র কাব্যে কোথায় মিলবে? লেখিকা, স্পষ্টতই, ঝাঁর-ঝাঁর বৈশিষ্ট্যগুলিকে বেছে বেছে একত্র করেছেন, তা না-হলে 'সাম্রাজ্য দর্শনের, বিশেষত সাম্যবাদী চিন্তাধারার প্রভাবে নতুন সমাজস্বপ্নের আশা'কে ভাবের দিক থেকে আধুনিক কাব্যের অগ্রতম লক্ষণ বলে ঘোষণা করতে তাঁর ঘিমা হ'তো। কেননা এঁদের মধ্যে একমাত্র বিষ্ণু দে-র রচনায় এই ধারণার সঙ্গ সাক্ষ্য মেলে।

তাহ'লে কি বিচিত্র স্বপ্নের সাধনা সঙ্ঘে এঁদের মধ্যে একমাত্র মিল হচ্ছে কলাকৌশলের বিশিষ্টতায়? মনের দিক থেকে কোনো মিলই নেই? অথচ প্রশ্ন আর রূপের মধ্যে হ্রস্ববর্তীর মিলন যদি না-থাকে, রূপটা যদি ধার-করা হয়, পোষাকি হয়, বাইরে থেকে চাপিয়ে দেওয়া হয়—তাহ'লে যতই জমকালো রূপসী দেখানো কেন, তাকে আমরা কবিতা বলবো না। আধুনিক কবিতার আঙ্গিক বা রূপের মধ্যে কোনো মৌলিক সাদৃশ্য যদি থাকেই, আগেকার কবিতা থেকে ভিন্ন হ'লেও তার উপযোগিতার কথা যদি মেনেই নিই আমরা, তাহ'লে এই কবিদের মধ্যে নিশ্চয়ই কোনো চারিত্রিক মিলও আছে। সে-মিলটা মনে-মনে আমরা জানি না তা নয়, কিন্তু ভাষায় বলতে গেলেই বিপদ দেখা দেয়।

একটা বিদ্রোহের মনোভাব নিয়েই আধুনিক কাব্যের নান্দীপাঠ শুরু হয়েছিলো, সে-কথা ঠিক। তখনকার মতো সে-বিরাগিতার উপলক্ষ ছিলেন রবীন্দ্রনাথ, এবং তাঁর মধ্য দিয়ে একটা আন্ত যুগ। রবীন্দ্রনাথ যে নিছক উপলক্ষ মাত্র, আধুনিকেরা তাঁকে কোনোকালেই যে পরিহারের চেষ্টা করেননি, বরং শিরোধার্য ক'রে নিয়েছেন, তবে প্রমাণ 'আধুনিক বাংলা কবিতা' নামক সংকলনগ্রন্থ। তবে প্রাক্তন এবং আধুনিকের চেঁখে দেখা রবীন্দ্রনাথের চেহারা হ'য়তো বা মিল নেই। সে যা-ই হোক, জীবনের যে-কোনো ক্ষেত্রে গভীর কোনো পরিবর্তনের সূচনায় থানিকটা বিদ্রোহের হাওয়া দিয়েই থাকে।

কিন্তু নতুনের আদর্শ একবার যখন প্রতিষ্ঠিত হ'য়ে যায় তখন থেকে তার নিজের মূল্যেই তার পরিচয়। কাজেই রবীন্দ্র-বিরাগিতাও আধুনিক কবিতার কোনো সামান্য লক্ষণ বলে মানবো না।

আমরা কি তাহ'লে এই সিদ্ধান্তে আসতে পারি যে 'আধুনিকের বিদ্রোহ রোমান্টিকের বিরুদ্ধে'? অর্থাৎ আধুনিক কবিতা রোমান্টিক নয়? ছাংয়ের বিষয় জীবনে নিত্য নতুন অভিজ্ঞতার সত্ত্ব নেই, কিন্তু অভিনয়ে শব্দের সংখ্যা শোচনীয়ভাবে পরিমিত। বিশেষত 'রোমান্টিকের' মতো গুণবাচক শব্দগুলিকে, বিকল্পের অভাবে, এত রকমের ভিন্ন এবং বিরোধী অর্থে ব্যবহার করা হয়েছে যে তাদের সাহায্যে ঠিক-ঠিক অভিপ্রায় ব্যক্ত করা আজ প্রায় অসম্ভব। রোমান্টিক আর ক্লাসিকল বলতে দু'জন লোক একই ভিন্নিশ বোঝেন কিনা সন্দেহ। উনিশ শতকী ইংরেজ কবিরাই রোমান্টিক প্রতিভার একমাত্র প্রতীক, রোমান্টিক চেতনার সবগুলো উল্লেখযোগ্য গুণই তাঁদের কাব্যে আছে—এই রকমের একটা ধারণা অনেকের মনে বদ্ধমূল। রোমান্টিক কাব্যের মূলসুঁজ যদি "imagination" [ 'ইমিগ্রাইশ্য পরিদৃশ্যমান এই বস্তুজগতের সীমার অন্তরালে এক অসীম রহস্যময় অলৌকিক জগৎ বিস্তৃত। করনা প্রতিভার সহায়তায় কবির কাছে সে-জগৎ প্রত্যক্ষ হয়। কবি সেই দর্শনের বিষয় কাব্যে রূপায়িত করেন।' ১৬ পৃ: ], তাহ'লে বায়রন রোমান্টিক কিনা? এবং তার আগে শেক্সপীয়রকেই বা কোন দলে রাখবো? আলেচনা থেকে বোঝা যায় শ্রীমতী ত্রিপাঠী রোমান্টিসিজম-এর উনিশ শতকী ইংরেজি ধারণার কথা বলছেন। কিন্তু তার বিরোধিতা ক'রেও যে রোমান্টিক থাকা যায় সেটা গণ্য করেননি বলে তাঁকে বলতে হয়েছে:

"কি ক্লাসিক, কি রোমান্টিক, প্রেমের আদর্শে 'বন্দীর বন্দনা'-র কবির বিশ্বাস নেই"  
—৯৭ পৃ

"কবিত্ত রোমান্টিক-বিরাগী হ'লেও সখীন্দ্রনাথের পক্ষে ক্লাসিক আদর্শ নেওয়া সম্ভব ছিলো না, যুগধর্ম তার বিরোধী!"

"পরম্পর-এ সেই অচারিত্য'তার বেদনার অন্তরালে নতুন এক অনুভূতি বা বোধের জন্ম হচ্ছে দেখি। রোমান্টিসিজমের যুগ শেষ হ'য়ে যাচ্ছে, রিয়ারালিজম ফিরে আসছে; আবার রিয়ারালিজমের ধ্বংসতপের মধ্য দিয়ে আর এক তাঁক্ষ্য বোধের উপলব্ধি হচ্ছে, তা হ'লো সুরারিয়ারালিজম বা অতিবাস্তব চেতনা।"  
—১১৬ পৃ

ক্লাসিক সাহিত্যের হুমিত্য আর শৃঙ্খলাবোধ অনেক পরিমাণে আয়ত্ত করা গেলেও সমাজের মাহুঘরা যে-কালে তাদের বিশ্বাস এবং ধ্যানধারণায় শতধা বিভক্ত, বিশৃঙ্খল পারিপার্শ্বিকের মধ্যে কবির নিজেকেই যেখানে বাধ্য হ'য়ে একটা কোনো শৃঙ্খলা বানিয়ে নিতে হয়, সে-পরিবেশে ক্লাসিক সাহিত্যের উদ্ভব অভাবনীয়। ক্লাসিক সাহিত্যে বিদ্রোহ নেই; শিল্পী স্বাভাবিক অধিকার কেউ স্বীকারই করেন না। প্রচলিত বিশ্বাস, ধ্যানধারণা এবং শিল্পরীতিকে তাঁর নাটকে পুরোপুরি মানতে পারেননি ব'লে রোমান্টিকের ছোপ-লাগা ইউরিপিডিসকে আখেল ছেড়ে পলাতে হয়েছিলো। শেষ পর্যন্ত প্রবাসেই তাঁর জীবন সাপ হয়। আমার ধারণা, এলিঅট নতুন এক ক্রিস্টান সমাজের প্রতিষ্ঠা চান এই কারণে যে, তাঁর মতে, শুধু সেই ধরনের পরিবেশেই নাগরিকদের মধ্যে সাংস্কৃতিক ঐক্যবোধ জন্মাতে পারে, যার ফলে আলুঘড়িক বিষয়গুলিতে শক্তি এবং কালক্ষয় না-ক'রে শিল্পী পক্ষে তাঁর আসল রচনাকর্মে মনোনিবেশ করা সহজ হ'য়ে যাবে, শিল্পে ক্লাসিকাল যুগ ফিরে আসবে। শিক্ষা ও সংস্কৃতির এ-রকমের ঐক্যবোধ এ-যুগে সোভিয়েট রাশিয়ার মতো দেশেই বোধ করি থাকা সম্ভব। রোমান্টিক শিল্পীর অভ্যুদয় সেখানে ভাবা যায় না। তাই মাহুঘের অপরাভেয় ক্ষয় যদি কোনো বরিস পাস্টেরনাকের মধ্যে আকাশের দিকে হাত তোলে, তাহ'লে সমাজের দিক থেকে তাঁর হঠকারিতার প্রতিবিধান করতে তৎপরতার অভাব হয় না।

কথা হচ্ছে, এক যুগের রোমান্টিক মনোভাব যখন কালক্রমে অল্প যুগে এসে দুর্মর অভ্যাসের অন্তঃসারশূন্যতা পর্যবসিত হয় তখন তার প্রবল বিরোধিতা করার পরেও কবি মনে-প্রাণে রোমান্টিকই থাকতে পারেন। কারো-কারো রচনায় ক্লাসিক গুণ বর্তানো অসম্ভব নয়, যেমন সুধীন্দ্রনাথের কবিতায়। তাতে কিছু এসে যায় না। আধুনিক কবিমাঝেই রোমান্টিক ধারারই অহুসীলন করছেন। তবে তার পরিধিকে যদি তাঁরা বাড়িয়ে থাকেন সেটা তো গৌরবের কথা। 'কাব্যের মূল্য' প্রবন্ধে এ-বিষয়ে আলোচনা করতে গিয়ে সুধীন্দ্রনাথ লিখেছিলেন :

বিংশ শতাব্দীর শুরুরতেই দেখা গেল যে পূর্ব পুরুষের অনন্ত শোষণে কাব্যের কলেবর থেকে অর্থ ও আবেগের মস্তাটুকু শব্দিকরিয়ে, পড়ে আছে শব্দ, কংকাল—প্রতিদানপূর্ণ মরুভূমির মধ্যে পড়ে আছে শব্দ, দীর্ঘ, জীর্ণ, ঠোঁশাঠোঁশ কংকাল.....

.....ফলে কোনও সং কবিরই আর বৃদ্ধিতে বাকি রইল না যে সে-ফাঁকির মধ্যে সত্যের শৃঙ্খলা উনতে গেল, আড়ম্বরের মোহ অবশ্য পরিত্যক্ত, অন্তঃসারশূন্য বস্তুমাটার আমলে উদ্ভেদ অভাবশূন্য। কেন না শব্দ, মতন অটালিকার নির্মাণে কোনও সার্থকতা নেই; হর্মণানাকে বাসোযোগী ও পাল্যপূর্ণতা করা চাই, দেখা চাই যাতে আকাশের আলো তার ভিত্তি দেওয়ালে বাধা না পায়; বিশ্বের ব্যস্ততা ফিরে না যায়, তার অর্গলিত স্মারের শিকল নেড়ে। সের্জন একটা নগণ্য বাহ্য সৌন্দর্যের দিকে নজর রেখে ইটের পরে ইট সাজানো যথেষ্ট নয়, বাড়িতে যারা থাকবে তাদের ভুললে চলবে না। ভুললে চলবে না তারা মানুষ, ভুললে চলবে না তারা রক্ত মাংসে গড়া, দুঃখ-আনন্দের দাস, পরিবর্তনশীল, বিধকৃ। তাতে যদি প্রথাগত স্থাপত্য বর্জ্যময় ষ্টেক, তবে তাই স্বীকার; তাতে যদি নাস্তিক, বস্তুবাদী ইত্যাদি অন্যায় অপবাদ ঘাড়ে পড়ে, তবে তাও বরণীয়। প্রথম দফার দরকার অবৈকল্য, দ্বিতীয় দফার দরকার অবৈকল্য, তৃতীয় দফার দরকার অবৈকল্য, এবং শেষের দফার দরকার অবৈকল্য। বিংশ শতাব্দীর মূদামর অবৈকল্য আর অকপটতা!.....

.....সময়রূপ চতুর্থ অন্নভনের মার্গে শব্দে অভিজ্ঞতার সঙ্গে যতক্ষণ না মিলতে পারে, ততক্ষণ ব্যস্তগত অভিজ্ঞতা নিত্যন্ত মূলাহীন। সেইজন্য প্রত্যথ্যান কবিকে পাছে না, এবং কালজ্ঞান ভিন্ন তার গতসত্তর নেই!.....

তার মানে, বিংশ শতকে লেখা যে-কবিতায় অবৈকল্য, অকপটতা আর কালজ্ঞানের পরিচয় আছে তাকেই বলবো আধুনিক কবিতা। অকপট বলেই এ-কথা মানতে আধুনিক কবির কোনো দ্বিধা নেই যে মাহুঘ দুর্বল। সন্দেহ-সন্দেহ এ-কথাও তিনি স্বীকার না-ক'রে পারেন না যে এই পরমাশ্চর্য জীবনের রহস্য শেষ হবার নয়। অলৌকিক রূদ্রাবনী গোষ্ঠী চিরস্থায়ী প্রেমের লীলা তাঁর অভিজ্ঞতায় ধরা দেয় মা-বটে, কিন্তু প্রেমের অপরিসীম শক্তি আর মহিমায় তাঁর আস্থা নেই বললে কথাটা মনগড়া হবে, কবিতায় তার প্রমাণ মিলবে না। অন্ধকারকে স্বীকার করতে গিয়ে তাঁরা আলোকের আশীর্বাদকে অস্বীকার করেন না। এবং বিজ্ঞান তাঁর প্রকাণ্ড হাতুড়ির বায়ে একে-একে মাহুঘের সব কিছু প্রচলিত মোহকে চূর্ণ-বিচূর্ণ করলেও কবিকে দমতে পারেনি। সৌন্দর্যের দরজা আগলিয়ে এখনো কবি দাঁড়িয়ে আছেন। দ্রষ্টব্য, এই গ্রন্থেই ৩৩৫ পৃষ্ঠায় উদ্ধৃত অমিয় চক্রবর্তীর চিঠি, যাতে তিনি নিজের কবিতার কথা বলছেন :

পৃথিবীতে এসে যা দেখা গেলো তার বিমর্শন সহজ একটু আক্ষরিক পরিচয়, সাক্ষীর বিমর্শে আত্মভাষায় স্বীকৃতি। কিন্তু আপতি, কিন্তু সব বিরুদ্ধতা ভুলিয়ে-দেওয়া আশ্চর্য মনস্করের স্নোতেদর্শন, আশ্চর্য রঙিন কাহিনী যা দেখা-শোনা যায় না।



আধুনিক কবি কোনোদিক থেকেই মুখ ফিরিয়ে নেন না :

দেখিবে সে মানবের মখে ?  
দেখিবে সে মানবীর মখে ?  
দেখিবে সে শিশুদের মখে ?  
চোখে কালাশিরার অসম্ভব,  
কানে মেই বধিরতা আছে,  
সেই স্ক্‌জ—গলগন্ড মাসে ফলিয়াছে  
নষ্ট শমা—পচা চালকুমড়ার ছাচে,  
যে সব হৃদয় ফলিয়াছে

—সেই সব।

প্রেম, প্রকৃতি বা ঈশ্বর বিষয়ে আধুনিক কবি পূর্বকার প্রচলিত ধারণাকে ছেড়ে দিয়েছেন বলেই শাখত অভিজ্ঞতার সঙ্গে সম্পর্ক চুকিয়ে দেননি। 'বন্দীর বন্দনা'য় প্রেম আর সৌন্দর্যের উপলব্ধি অতিমাত্রায় তীব্র বলেই কবিতায় কোথাও কোথ, কোথাও বা বিক্রপের স্বর লেগেছে। সে-কবিতায় অতিমান আছে, আত্মগ্লানি আছে, অতিরিক্ত আত্মবিখ্যাসের চিহ্নও সর্বত্র। 'চর্ম সাথে চর্মের ঘর্ষণ একমাত্র স্নহ বাহাদের' তাদের সঙ্গে প্রেমিক প্রেমিকাকে কবি এক ক'রে দেখেননি। অথচ তারাও আছে। এবং তাদের সংখ্যাই বেশি। সতী-সাবিত্রীকে বাদ করতে কবির স্মৃদ্রতম অভিপ্রায় ছিলো বলে মনে করি না। বিক্রপের তাঁরাই লক্ষ্য যারা সতীসাবিত্রী-শঙ্কুস্তলার দোহাই দিয়ে জৈব কামনার চরিতার্থতা খোজেন। 'বন্দীর বন্দনা'য় নবযৌবনের ঔরুতা যে কত প্রকট তার উৎকৃষ্ট দৃষ্টান্ত 'প্রেমিক' কবিতা। প্রেম এতই পবিত্র যে কোনো পার্থিবতার পক্ষে সেই পবিত্রতীরে সহবাতী হওয়া যেন দুর্ভাষা মাত্র, এটাই হচ্ছে কবির বলার কথা। সে শুধু আধার, এবং সে-আধারে প্রেমের আবির্ভাব একমাত্র প্রেমিক-কবির পক্ষেই উপলব্ধি করা সম্ভব। অথচ এই অসমর্থ নায়িকাকেই পরে কঙ্কণবতীতে রূপান্তরিত দেখে আমরা অবাক হই না। সেই পার্থিবতার মূর্খেই তখন সকল রূপকথার, গ্রীক রূপাণের, স্বদেশ-বিদেশের নানা কালের কাব্যে কীর্তিত নায়িকার লাভাণা এসে মিশেছে। নায়িকাতেই মূর্ত হয়েছ প্রেম, আর শেষ পর্যন্ত প্রেমেই কৈবল্য। কাজেই "কি ক্লাসিক, কি রোমান্টিক,

প্রেমের আদর্শ 'বন্দীর বন্দনা'র কবির বিখান নেই—বললে কবির প্রতি স্থবিচার হয় না।

এহে এই রকম আরো কিছু-কিছু সিদ্ধান্ত আছে বার সঙ্গে আমি একমত হ'তে পারিনি, যেমন জীবনানন্দ বিষয়ে তিনি বলেছেন : 'সত্যের অধ্বায়ায় তাঁর সমগ্র জীবন উৎসর্গিত, কিন্তু শেষ পর্যন্ত তাকে প্রত্যাক ক'রে লাভ করেননি। এছাড়া তাঁর কাব্যের ট্রাজিক মহিমা এত বেশি মর্মভেদী। কিংবা, 'রোমান্টিক কবিদের শাখত প্রেমের আদর্শে জীবনানন্দের বিশ্বাস নেই।' অথবা, 'ধূসর পাণ্ডুলিপি' 'অচরিতার্থতার কাব্য'। কীটস-এর বহু-আলোচিত সেই পংক্তিটি থেকেই এই রকম একটা ধারণার জন্ম হয়েছে যে কবি সত্যাত্মী। তাহলে মানতে হয় যে দার্শনিক আর কবির উদ্দেশ্য অভিন্ন। অথবা 'সত্য' কথাটা স্থানভেদে তার অর্থ বদলায়। এলিঅট বা রিচার্ডস-এর মতো অনেকেই কীটস-এর ঐ উক্তি নিয়ে স্নহী হ'তে পারেননি। এবং প্রচলিত অর্থের বিদ্রাট না-ঘটিয়ে কিংবা প্রেটোর জগৎকে পুরোপুরি অস্বীকার না-ক'রে নিলে ও-কথার সত্যি কোনো অর্থ হয় না। কবির উদ্দেশ্য সত্যের অহুসন্ধান নিশ্চয়ই নয়, উপলব্ধি আর উক্তির সামঞ্জস্যপূর্ণ প্রতিমা নির্মাণই তাঁর অতীষ্ট। উপলব্ধিতে যদি কপটতা না-থাকে তাহলেই হ'লো, লোকাচারের সঙ্গে মিলছে কিনা সেটা কথাই নয়।

'শাখত প্রেম' বলতেই বা কী বোঝায়? প্রেম শাখত, এক-কথা সবাই মানবেন। কিন্তু জীবনে তার আবির্ভাব কখনোই। তার জন্ম প্রতীক্ষার অন্ত নেই, এবং প্রেম চ'লে গেলে প্রেমের স্মৃতিমন্ডন, কিংবা তার যন্ত্রণা মুহু করা—এই তো চিরকালের অভিজ্ঞতা। চিত্তিত, অথবা ভাস্কর্থে-উৎকর্ষণ, মরনারীর পক্ষেই শুধু অক্ষয় প্রেম সন্তোষ সম্ভব। জীবনানন্দের কাব্যে এই শাখত অভিজ্ঞতার কথাই আছে যে প্রেমের চূড়ায় যত ক্ষণকালের জুই দাঁড়াই না কেন, তা আমাদের অজ্ঞ জন্মে উত্তীর্ণ ক'রে দেয়।

স্বদীক্ষনাথের সঙ্গে মালার্মের এবং অমিয় চক্রবর্তীর সঙ্গে রবীন্দ্রনাথের সম্পর্ক নিয়ে লেখিকা দীর্ঘ আলোচনা করেছেন। তাঁর মতে 'মালার্মের

## কবিতা

পৌষ ১৩৬৫

প্রতি স্বাধীনতার আকৃষ্ট হবার প্রধান কারণ তাঁর দুর্ভাগ্য, সংহত স্বল্পভাষ্য ব্যক্তনাময় প্রকাশশৈলী, শব্দের অভিধানগত অর্থের বিনষ্ট এবং সর্বোপরি তাঁর বিঘ্ন নেতিবাদী জীবনদর্শন। উভয়ের কবিতাই দুর্ভাগ্য; কিন্তু দুয়ের দুর্ভাগ্য কিন্তু দুই জাতের, কবিত্বভাবেও চোখে পড়ার মতো মিল নেই। তবু মালার্মের প্রতি স্বাধীনতার অস্বরাগ এত প্রবল কেন সে-প্রশ্নের কোনো সন্তোষজনক উত্তর লেখিকার আলোচনা থেকে আমি জানতে পারলাম না। আর আমি চক্রবর্তীর কবিতা যে আধ্যাত্মিক, সে তো তিনিও মানেন। রবীন্দ্রনাথের “মিস্টিক” বোধ নিশ্চয়ই অজ রকমের, কিন্তু তার জ্ঞান একথা বলা যায় না যে “আপাতদৃষ্টিতে মনে হ’তে পারে তিনি এ যুগের প্রধান আধ্যাত্মিক কবি।” “আপাতদৃষ্টিতে” কেন, নিকট দৃষ্টিতেও তিনি আধ্যাত্মিক।

আধুনিক বাংলা কবিতা বিষয়ে লেখিকার সিদ্ধান্ত কোথাও-কোথাও আমার সঙ্গে মেলে না বলে এ-গ্রন্থের মূল্য কিছুমাত্র কমছে না। নিবাচিত কবিদের বিষয়ে আলোচনা করতে গিয়ে তিনি অসাধারণ বৈধ, নিষ্ঠা, ও সন্ধানশক্তির পরিচয় দিয়েছেন। জীবনানন্দের কবিত্বভাবের সঙ্গে ইম্প্রেশনিষ্ট শিল্পীদের, অমিয় চক্রবর্তীর সঙ্গে হপকিন্স, রিল্কে আর ওয়ালেস্ স্টাইভেন্স, আর বিয়ু দে-রসদে লোর্কা, আরাগ এবং পল এন্ড্রয়ারের তিনি যে-সব মিল আবিষ্কার করেছেন তা থেকে এই-সব কবিদের নতুন করে পড়ার সময় নিশ্চয়ই আমরা লাভবান হবো। আধুনিক কবিতা তাঁর পক্ষে শুধু কৌতূহলের সামগ্রী নয়। বাধা হ’য়ে পড়েননি, ভালোবেসে পড়েছেন। এবং রবীন্দ্রনাথের প্রতি তাঁর মনোভাব ঠিক পূজারিনীর মতো নয় বলে এ-যুগের কবিতা তাঁর কাছে পরধর্মের মতো ভয়াবহ মনে হয়নি। তাঁর লেখার প্রধান গুণ এই যে অজ অনেক বাংলা সমালোচনার মতো তাঁর লেখাকে তিনি আপসবাক্যের চর্চিতচর্চণে ভরে তোলেননি। তিনি যে নিজে চিন্তা করেছেন তার প্রমাণ এই যে আমাদের দিয়েও পদে-পদে তিনি ভাবিয়ে নেন। এ-লেখা পড়ে মন চুপ করে থাকে না। তিনি প্রশ্ন জাগাতে পারেন। এ-কালের বাংলা কবিতায় ধারা কৌতূহলী তাঁরা

## কবিতা

বর্ষ ২৩, সংখ্যা ২

প্রত্যেকেই এ-বিষয়ে লেখা এই প্রথম বিস্তারিত গ্রন্থ থেকে উপকৃত হবেন, সন্দেহ নেই।

আলোচিত কবিতাঃশের উপযুক্ত অহুবার সমতে এ-বইয়ের কোনো সংক্ষিপ্ত সার যদি ইংরেজিতে প্রকাশিত হয় তাহলে বাংলা বাদের মাতৃভাষা নয় তাদের পক্ষেও এ-কবিতা পড়ার পথ স্বপ্ন হবে। এই আধুনিক কবিতার মধ্যেই আমরা এ-যুগের বাঙালি ছদ্ময়ের অকপট ভাষা শুনতে পেয়েছি। লেখিকা দেখিয়েছেন, কেমন অসংকোচে পৃথিবীর যে-কোনো সাহিত্যের পাশে বসিয়ে তাকে উপভোগ করা যায়। এশিয়ার মধ্যে একমাত্র হালের জাপানি সাহিত্যই যদি পৃথিবীতে সাদা জাগিয়ে থাকে সেটা বাংলার তুলনায় সে-সাহিত্য অগ্রসর বলে নয়, তার কারণ তাদের ভাগ্যে ভালো অহুবাদক জুটেছে।

৩২ পৃষ্ঠায় রোডলোর-এর সনেট থেকে মাত্র ৮ লাইন তোলা হ’য়েছে, যদিও সনের বাংলা অহুবাশটি পুরো কবিতার। পরবর্তী সংস্করণে ফরাসী উদ্ধৃতিগুলির স্থানে-স্থানে বানান ঠিক করে দেওয়া প্রয়োজন। ২৭ পৃষ্ঠায় বর্নট নটন কবিতার উদ্ধৃতিতে ভুল আছে। The Second Coming এবং The Coming of Wisdom with Time কবিতার উদ্ধৃতিতে কয়েকটি কমা সেমিকোলন ছাপা না-হওয়ায় অর্থ দূরতে অহুবিধা হয়।

কবিতা  
পৌষ ১৩৩২

প্রেম, পূনর্বাস

মোহিত চট্টোপাধ্যায়

হে আশ্বাদিত ছুঃখ, তুমি বাম পার্শ্বে বোসো  
আর এই স্মৃৎসলা রমণী দক্ষিণে ;  
আমি মধ্যবর্তী থাকি, কথা বলো তোমরা হৃৎকনে  
কলহ কোরো না, উদ্ভেদ গোখুলির আলো বড়ো নির্জনতাপ্রিয় ।

তোমার নিরীলা মুখ বলো ছুঃখ কে কাঁদালো কলহে, কটকে ।  
জানি, নারী স্মৃৎসলা, হিংসা গুর বৃকের প্রিয়তা ;  
কাম্য শাস্তি তাই ভাবি, বিবাদে ক্ষরিত রক্ত, বিবাদ ভালো না  
আনো মুখ দৃশ্য মুছি, গোখুলির আলো বড়ো নির্জনতাপ্রিয় ।

শোনো, সহ্য করো এই রমণী দক্ষিণে বামে ছুই হাতে আমাকে জড়াবে,  
হিংস্রক সমস্ত চায় ;—  
বলে, প্রেম উদারতা থেকে আরো অধিক সুবর্তী ।  
বিলাপ কোরো না, ছুঃখ, তুমি বাম পার্শ্বে থেকে বৃকে এসে বোসো ।  
কলহে কটক, উদ্ভেদ গোখুলির আলো বড়ো নির্জনতাপ্রিয় ।

কবিতা  
বর্ষ ২৩, সংখ্যা ২

সংশয়

প্রভা কবিতা

বিকালে ধুলোর ঝড়, ঘোলাটে আকাশ,  
ছেঁড়া কাগজের গলি, কানা রাজপথ,  
ছাকড়াছড়ানো তাজা ঝুংপিণ্ডবৎ  
শেয়ালদার ক্রিসীমানা, চারটে আটাশ ।

ক্রমশ নিস্তেজ হলে শব্দের জঙ্গল  
চলে যায় নৌকা নিয়ে ভাঙরের খাল,  
ক্ষত জলা, কাদামাথা মহিষের পাল,  
দুয়েকটি ভাঙা ঘাট, ছায়াচ্ছন্ন জল ।

হৃদয়পুরের পথ এ-নবের পর  
স্বন্ধকার আকাশের যেন খুব কাছে,  
জ্বোনাকির মতো যেন তারা গাছে-গাছে,  
কোথা যেন নিদ্রাতুর শিশুদের স্বর ।

বৃষ্টি নাকো আলো হাতে দোর খলে দিলে  
আছো নাকি তত দূরে, যত দূরে ছিলে ।

কবিতা

পৌষ ১৩৩৫

শিল্পী

সমরেন্দ্র সেনগুপ্ত

আকাশে সে দৃশ্য গড়ে  
মাটিতে ফোঁটায় শতদল,  
তার নামে, বনাস্তরে  
দক্ষিণের রটনা চঞ্চল।

স্বর্ধ, দিনে ছায়া লোটে  
রাত্রি রচে আশ্বার মহিমা,  
হুঃখ তাকে দেহ দিলে

মন ভাঙে সম্ভবের সীমা ॥

২০

কবিতা

বর্ষ ২৩, সংখ্যা ২

লকোক্রেস-এর আন্তিগোনে

[ পূর্বাছয়ত্তি ]

অলোকরঞ্জন দাশগুপ্ত

আন্তিগোনের গান

স্থায়ী : এক

হেরো গো আমারে আমার স্বদেশবাসী,  
জলের মতো এই পথ যাবো ছেড়ে,  
হেরিব না আর স্বর্ধরশ্মিরাশি,  
দিন চ'লে গেলো, সব নিয়ে গেলো কেড়ে।  
নিদ্রাঙ্কনে হাইদাস মোর নয়নের জ্যোতি গ্রাসি'  
উপহার দেবে এ-জীবন মোর তুহিন সৈকতেরে,  
আকেরন লবে বৈভরগীর চেউয়ের বাহুর ঘেরে,  
এ-দেহ আমার। মিলনগীতিকা কখনো শুনিনি যে রে,  
আকেরন মোরে মরণে জড়াবে, পরাবে প্রেমের ফাঁসি ॥

সংস্কৃত

তুমি চলো, চলে গৌরব পিছু-পিছু,  
তুমি মৃতদের বন্দীভবনে চলো,  
ত্রিতাপতৃক্ষা তোমার চরণে নিচু,  
অশির উপরে পরীয়নী তুমি জলো,  
নিজ নিয়তির নায়িকা, মৃত্যু দলো,  
সমাধির পানে একা চ'লে যাও ঋজু ॥

আন্তিগোনের গান

অন্তরা : এক

সেই যে করুণ বিজন ভাস্তালস  
আশ্রজা তার নিয়োবি নামী ফ্রিজিয়াবাসিনী বালা  
সিপুলস ব'লে পাহাড়চূড়ায়, সহিল মরণজালা;

২১

২

কবিতা  
শৌখ ১৩৩৫

পাথরে-পাথরে নিখর হ'লো সে-ব্রততী-জীবন-রস ।  
বেয়ে-গুঠা সেই লতার উপরে বছর-বছর ধ'রে  
বৃষ্টিভূষার, সে রইলো নিচে প'ড়ে,  
বৃষ্টিভূষার-অশ্রুপ্লুতা দেহবল্লরী ভ'রে ;  
আমারও তো সেই ছুঁতগিনির পালন,  
আমিও ঘুমাবো শিলাশয্যায় তারি মতো ঘুমঘোরে ॥

সংস্বব

দেবতার ঘরে জন্মেছিলেন তিনি,  
মোরা নখর, মুময় পরিণাম,  
তুমি যে তরুণী ইহলোকে শরীরিণী,  
জীবনে মরণধ্বংগা লভি' দেবী তবু তোর নাম ।

আস্তিগোনের গান

স্বায়ী : ছুই

শাস্তি দেবে না, কৌতুক করে অতাগা নারীর মনে ?  
পিতা-পিতামহ-প্রপিতামহের নগরদেবতা যতো,  
দেখুন আমায়, নির্জিতা আমি কথার নির্ধাতনে,  
এখনো তো বেঁচে, মরিনি শেষ মরণে,  
মা'রে গেলে মোরে মূর্খের উপরে কোরো ক্ষতবিক্ষত ।  
ওরে ও আমার রত্নানগরী, নরনারী নগরীর,  
ওরে ও আমার দিকী নদীর নদীনার, নদীতীর,  
খেবা নগরীর রথের পথের অরণ্য ছায়াঢালা,  
তোমরা কুলো না অপঘাত মোরে সাজা দিলো অক্ষারণে,  
মিললো না কোনো সমবেদনার সখ্য নয়ননীর,  
মাটির তলায় গহন নিরালা  
পাথরের গড়া সমাধি-কারায় চলছি অবরোধেণে,  
জীবনে অথবা মরণে কোথাও পাবে না আপন নীড় ॥

কবিতা  
বর্ষ ২৩, সংখ্যা ২

সংস্বব

স্বায়ী : এক

ওরে মেয়ে, তোর সামনে গভীর খাদ,  
ছঃসাহসের শিখরে আছিস রত,  
বিচারের বেদী অদূরেই উজ্জত,  
পিছনে পূর্বপুরুষের পরমাদ ।

আস্তিগোনের গান

অন্তরা : দুই

সেই তো আমার ভীষণ অসুহ ভার,  
পুরোনো বাথার সে-কাহিনী তিন বার  
বলা হ'য়ে গেছে, তবু কি হ'লো না বলা ?  
প্রাচীন রাজার পাতকের অধিকার,  
ছুঁতগা পিতা, অভাগিনী মাতা তামসী রজস্বলা,  
কী অভিশপ্ত দয়িত যে তার আপন জঠর থেকে  
অকালে উঠলো জেগে ।  
হায় সে কেমন জনকের সংসার  
যে-ঘরে আমার ক্লম্ব যন্ত্রণার,  
এখন মাটির নিচে সেই ঘর, ফিরে চলি সেইখানে  
একাকিনী আর অবলুপ্তিতা, স্বজনসন্নিধান  
ফিরে যাই আমি । নিজ ঘরনীর ঘূর্ণিবিপাক লেগে  
যত মোর ভাই মুহূর্তিমির থেকে যে আমারে টানে ॥

সংস্বব

যোগাজ্ঞনের অর্চনা দেয়া ভালো,  
নিয়তিশক্তি অনতিক্রমণীয়,  
বিধভূবন তার কাছে নমনীয়,  
নিজ ইচ্ছায় নেভালে আপন আলো ।

কবিতা  
পৌষ ১৩৬৫

### আস্তিগোনে

আমি চলি একা আপন বেঘনা ল'য়ে  
আমি চলি একা ছুঃখকুঃখহরি,  
কোনো সঙ্গীর মধুমল্লগীতি  
ধ্বনিল না, কেউ এলো না অশ্রু ব'য়ে।  
মোর ভালে দিন উঠবে না র'য়ে-র'য়ে,  
মোর ভালে শুধু আমার পথের বিধি।

[ ক্রেয়ানের প্রবেশ ]

ক্রেয়োন। কামা কিংবা মায়াকামা অকারণ অরণ্যে রোদন,  
এ শুধু অবধারিত মুছার আগেই আয়ুঃক্ষয়,  
যাও, ওকে নিয়ে যাও আমার চোখের সামনে থেকে,  
কবরের গর্ভে শক্ত ক'রে ওরে বন্ধ ক'রে রাখো,  
বেঘন বলেছি, ঠিক সেই ভাবে। একা ছেড়ে নাও,  
মল্লক বাঁচুক কিংবা বেঁচে ম'রে থাক অন্ধকারে,  
ওর যে-রকম সাধ। আমরা তো সংস্পর্শ এড়াবো!  
মোট কথা, মাটির উপরে ওকে থাকতে দেবো না।  
আস্তিগোনে। আমার সমাধি সে যে মিলনবাস। ও আমার  
চিরস্তন কারাগৃহ। অবনস্ত নববধূসাজে  
সেখানে আমার সব পরিজন রাজে সেইখানে  
অভিসারে চলে যাবে, পেরিসিফোনে সেখানে সবারে  
অসংখ্য মৃতের সাথে রেখেছেন অতিথিসদনে।  
ভীর প্রাসাদেই আমি যাবো সবশেষে, সবচেয়ে  
ভাগ্যহীনা আমি, যাবো দিন দুঃখানোর কতো আগে।  
যাবার আগেই তবু মনে-মনে আশা লাগে বড়ো—  
মা আমাকে হাসিমুখে বুকে নেবে, শ্রিতমুখে পিতা,  
ভাই কাছে এসে ধরবে। ওরে ভাই, সেই ভরসায়

কবিতা  
বর্ষ ২৩, সংখ্যা ২

দুই হাতে আমি তোর মৃতদেহ পরিচর্চা ক'রে  
দিয়েছি তো সায়স্তন শাস্তিঙ্গল। আর এইবার  
পোলনুইকেস, তোর মৃতদেহ পরিচর্চা ক'রে  
এই কি রে সমুচিত পুরস্কার তার? স্থপীজন  
পুণ্যময় এ-পাপের মর্দ জ্ঞানে। কিন্তু আমি জানি,  
যদি আমি সন্তানের মা হতাম, অথবা আমার  
স্বামী যদি যুদ্ধহত বিপর্যস্ত হ'য়ে রইতো প'ড়ে,  
সেই সন্তানের কিংবা সেই দয়িত্বের কখনোই  
রাজরোষ তুচ্ছ ক'রে দিতুম না সমাধি এমন;  
কারণ জিজ্ঞাসা করো? শোনো, তবে অজ্ঞ একজন  
স্বামিকে বরণ ক'রে তাঁর কাছে সন্তান না-হয়  
চাইতাম, তিনি তা-ই দিতেন আমাকে। কিন্তু ছাখো,  
মা-বাবা দুজন মৃত, সমাধির মাটিতে প্রোধিত,  
একটি ভাইয়ের ডাল হবে আর কোন বৃক্ষমূলে?  
তোমাকে সম্মান দিতে গিয়ে তবু ক্রেয়ানের চোখে  
প্রতিপন্ন হলাম যে আমি যুগা—ভাই, ওরে ভাই,  
আমার উপরে তিনি জ্বরহস্ত। বধু-মা অথবা  
বধুরে যেমন ক'রে নিয়ে যায়, সেইমতো নয়,  
আমাকে চালান তিনি রক্ষভাবে। আমি কারো বধু  
নই, কারো মাতা নই, বন্ধু নই কারো, আমি একা,  
তবু বেঁচে আমি, তবু বেঁচে থেকে পাতালে আমায়  
যেতে হ'লো। বলা কোন দেবতার দিবা অধিকার  
লঙ্ঘন করেছি? বলা কী ক'রে আমার ছুঃখমিনে  
উন্মেষ' মৃৎ ভুলে ধরি? কার কাছে দৈব দয়া চাই?  
পবিত্র কাজের পরে অশুচি আমার পরিচয়!  
অর্গের শাবাস্ত যদি এই হয়, তবে আমি পাপী,

এ-শান্তি আমারি প্রাপ্য। ওরাই শাব্যস্ত যদি হয়,  
প্রতিপক্ষ সমান-সমান দণ্ড পায় যেন তবে।  
স্বভ্রম্যার। সেই ঝড় সেই ঝটিকা এখনো দেখি  
ধামলো না ওর—  
ক্রেয়োন। দেরি করে যদি সেপাইশাক্তী যতো  
ওর চেয়ে কম শান্তি পাবে না, একথা বলে রাবি।  
আস্তিগোনে। প্রতিটি শব্দ কানে বাজে প্রাণে বাজে  
মুড়ার মতো।  
ক্রেয়োন। জীবনের মতো জীবনের আশা ছাড়ে,  
মিথ্যা প্রবোধ দিতে আমি পারবো না।  
আস্তিগোনে। ওরে ও আমার পিতা ও পিতামহের  
মহতী নগরী, শহরে আমার ঘর,  
ঘরের দেবতা, চলেছি ছীপান্তর।  
দেরি কেন আর, এখনি তো যেতে পারি,  
সব চেয়ে শেষে এসেছি রাজকুমারী,  
ব্রতের পুণ্যে আমি বিনীনা নারী,  
ব্রতপুণ্যের বর।

[ প্রহরীরা আস্তিগোনেকে নিয়ে গেলো ]

সংস্ভব

স্বায়ী : এক

এমনই ভাগ্য ক'রে এসেছিলো দানাএ,  
পিতলে রচিত কারার প্রাচীনে ঘেরা তার তস্থথানি  
রূপসী দানাএ মহীয়সী ছিলো জানি,  
জিউসের দয়া স্বর্ণরেণুতে ঝরেছিলো সারা গায়ে,  
সৌরশিশুকে দিয়েছিলো বুকে 'আনি' ;  
বন্ধ কারায় সে তার নিয়তি নতশিরে নিলো মানি।

বিস্তের চেয়ে বিপুল নিয়তি, দুর্গপ্রাকার তার কাছে নিরুপায়,  
অজ্ঞের চেয়ে কুটিল নিয়তি, তরীর চেয়েও ক্রতবেগে চলে যায়।

অন্তরা : এক

এদোনিয়াদেশে ক্রয়াস-তনয় রাজা লুকাউর্গাস,  
এমনই ভাগ্য তাঁর,  
কোথায় মিলালো সেই সন্ধান, তাঁর সে-অহংকার ?  
তাকে বড়ো সাজা দিলেন দিয়ুহুয়াস।  
প্রস্তরতলে শুকালো রাজার গরবী ফুলবাঁহার,  
কী সাহস, তিনি শাসিয়েছিলেন দেবদাসী মাইনাস  
পুজারিগীদের, এভিয়ান শুভ অগ্নিকে পরিহাস  
করেছেন, তাই হ'লো সে-রাজার দারুণ সর্বনাশ ॥  
স্বায়ী : দুই

ক্লমশিলার গিরিবহ্নের নিখাদে ও ধৈবতে  
এদিকে নিজের কুলের কিনারে মগ্ন বসকোরাস,  
ঐদিকে একা সালুহুদেসস জনহীন সৈকতে,  
বেখানে আরেস ফেলেছিলো তার করুণ দীর্ঘধাস,  
কেননা আরেস চোখে দেখেছিলো, অকারণ বৈরথে  
বিমাতার হাতে নির্জিত সেই কিনেউস-শিশু ছুটি,  
কেড়ে নিয়েছিলো বিমাতা তাদের জীবির দিটির ছাতি,  
চিকন অঙ্গ ছুরিতে বিধিয়ে পেয়েছিলো উজ্জাস,  
শোণিতলুকু কঠিন মূর্তিতে রক্তক্ষয়ী পথে।

অন্তরা : দুই

জনম অবয়ি সেই ছুটি শিশু কেঁদে-কেঁদে হ'লো সারা,  
মা-র তরে তারা দুঃখে-দুঃখে কাটালো সকল বেলা,  
বিষয়াহত প্রাণে নিয়ত ক'য়ে-ক'য়ে গেছে তারা  
অকূল ছুটি একেলা।

মা ছিলো তাদের এরেখখিষস বংশ-উজল বাতি,  
সে যে উজ্জ্বল বায়ুর দুহিতা, পাখাড চতুর্দিকে,  
পিতার বক্ষা বুকে আগলিয়ে জেগেছিলো আমিযখে,  
আকাশদুহিতা, তবু তারও 'পরে নামলো আঁধার রাতি,  
যুগযুগান্তে জীবনে-জীবনে নিয়তির জাল ফেলা।

[ অন্ধ ভাবি কথক তাইরেসিয়াসের প্রবেশ, তাঁর আগে-আগে পথপ্রদর্শক  
একটি বালক ]

তাইরেসিয়াস

কুশল তো সুধীরন্দ ? আমরা সতীর্ধ দুইজনে,  
বাত্মার সঞ্চল শুধু আমাদের একজোড়া চোখ,  
আমি অন্ধ, আমার নায়ক তবু আমার নির্ভর।  
কেয়োন। চরণে প্রণত, তাত, কী ভাগ্যা দিলেন পদধূলি।  
তাইরেসিয়াস। কথা আছে, ইচ্ছা তব কর্ণপাত করা বা না-করা।  
কেয়োন। আপনার আদেশের অসম্মান করিনি কখনো।  
তাইরেসিয়াস। তাই রাজরথচক্র হয়নি ম্লথ বা বক্রগতি।  
কেয়োন। সে-রথ স্বীকার করি, অধমর্ঘ সর্বনা আমার।  
তাইরেসিয়াস। সাবধান, তুমি এসে দাঁড়িয়েছো ক্ষুরধার পথে।  
কেয়োন। সে কী কথা ? কেঁপে উঠি আপনায় কথার কশাঘাতে।  
তাইরেসিয়াস। স্পষ্ট কথা বলতে চাই অন্ধকার উদঘাটিত করে।  
শোনো, আমি দীর্ঘকাল ভবিষ্যৎকল্পার আসনে  
বসতে শিখেছি, আর দৈববাণী পড়তে শিখেছি।  
এখনি বসেছিলাম সে-আসনে, হঠাৎ শ্রবণে  
একাগ্র মনন ভেঙে গেরোবাজ কয়েকটা পাখির  
কর্কশ আওয়াজ এলো, শিকারি পাখিরা নখে-নখে  
ভানায়-ভানায় যুয়ে চিংকারে আকাশ ছেয়ে গেছে ;

অমলল আশঙ্কায় তৎক্ষণাৎ উঠে দাঁড়ালাম  
সমস্ত সমিধ এনে প্রতিকার-যজ্ঞের আশুন  
জালাতে গেলাম, কিন্তু বুধা সেই খতির কামনা—  
তরো দেবা যজ্ঞত স্প্রবচনং ছর্দিরাদিত্যা:

ভরং নৃপাযাং।

পর্থে ভোকার তনয়য় জীবসে

স্বস্তায়িঃ সমিধানমীমহে।

সমিধ সমিধ হয়ে রইলো, তবু আগুন জ্বললো না,  
স্তুপাকার মাংসমজ্জা জাহ্নজ্জবা থেকে কী-রকম  
উংকট দুর্গন্ধ রস গলতে লাগলো জ্বলন্ত অন্ধারে  
আমার প্রাণান্ত শ্রম একেবারে ব্যর্থ হয়ে গেলো।  
যে-আমি সবার হয়ে দেখতে পাই, অন্ধ সেই আমি,  
আর এ-বালক যেন অন্তর্ধামী, ও আমার হয়ে  
দেখতে পায়। এ-বালক আমাকে তখন বলে দিলো  
সব কথা। তবে তুমি এই দুর্বাগের জন্ম দায়ী ?  
অভিশপ্ত ঈদিপাস ! সারমেয় আর শকুনিরা  
তার সন্তানের মাংস খেয়ে গেছে, রক্তমুখে তারা  
অপবিত্র ক'রে গেছে সব বজ্রবেধীরা আহুতি।  
তাই তো ঈশ্বর নিষ্কণ্ডর এত যজ্ঞসম্ভেও !  
আর বলো কোন পাখি মরা মাহুঘের রক্ত দেখে  
সেই রক্ত চেটে খেয়ে অমললধরনি করবে না ?  
এখনো সময় আছে, ভেবে চাও; মাহুঘমাজ্জাই  
ভুল করে, ভুল করা স্বাভাবিক, ভুল সংশোধন,  
সেও স্বাভাবিক। যদি ক্রটি স্বীকারের পরে কেউ  
সংশোধিত হয়, তাকে নির্োধ বা দুর্জন বলিস।  
বরক, গৌয়ার যারা, যুদ্ধিহীন আখা পায় শেষে।



তাই বলি, মৃত মাহুঘেরে তুমি অবজ্ঞা কোরো না।  
মৃত মাহুঘেরে তুমি আবার মেয়ো না, তাতে কোনো  
পৌরুষ আছে কি? আমি তোমারই ভালোর জ্ঞান বলি,  
কাম্য কল্যাণ যদি চাও তবে অমাত্য কোরো না—  
অসত্যো মা সদৃগময়, আমি এক শুভার্থী তোমার।  
ক্রেয়োন। বুদ্ধ যে সন্দেহ নেই, তীরনিক্ষেপের কালে তবু  
এদিক-ওদিক হয় না! আমি জানি, ভালো ক'রে জানি  
পেশাদার জ্যোতিষীর সমস্ত রকম ছলাকলা,  
যে-কোনো উপায়ে এই জ্যোতিষীরা স্বার্থসিদ্ধি ক'রে  
জুয়া খেলে। কিন্তু সারা সার্দিনিয়ার রৌপ্যরাশি,  
ভারতবর্ষের সব সোনা এনে উপুড় করুন,  
বিখাসহরীকে তবু একভিল সমাধির মাটি  
দেবো না, দেবো না আমি। ঈশ্বরের ঈশ্বরের কাঁক  
মুতের কঙ্কাল ব'য়ে জিউসের শীর্ষসিংহাসনে  
নিয়ে থাক, তবু জেনো বিখাসঘাতক এক কণা  
পাবে না সমাধি মাটি, তাছাড়া এ-কথা ব'লে রাধি  
ঈশ্বরের মহিমায় হস্তক্ষেপ কোনো মাহুঘের  
সাধ্যের আয়ত্তে নেই। কিন্তু তাইরেনিয়াস,  
মুনকার লোভ মরে অতিশয় মূর্ত সে-মাহুঘ  
যে বলে কুচক্রী বাক্য তবকথার আচ্ছাদনে।  
তাইরেনিয়াস। হায়!  
সারা পৃথিবীতে বৃষ্টি একজনও জানে না, বোঝে না?  
ক্রেয়োন। কী জানে না? বলুন না সর্বদমক্ষে সেই কথা।  
তাইরেনিয়াস। জানো না কি সদ্ভক্তি যে বিকোয় না স্বর্ণমূল্যে।  
ক্রেয়োন। এ-কথা অস্তুত বৃষ্টি, নিবৃদ্ধিতা মন্ত ক্ষতিকর।  
তাইরেনিয়াস। অথচ তোমার মধ্যে ক্ষতিকর সেই নিবৃদ্ধিতা।

ক্রেয়োন। রাষ্ট্রগুরু, অপমান করতে আমি জ্রক্ষেপ করিনে।  
তাইরেনিয়াস। অপমানকারী, তুমি আমাকে বলেছো মিথ্যাচারী!  
ক্রেয়োন। এই জ্যোতিষীর জ্ঞাত যথারীতি অর্থশিষ্য।  
তাইরেনিয়াস। রাজার লালসা তার চেয়ে আরো গর্হিত তাহ'লে।  
ক্রেয়োন। আপনি কী বলছেন। আপনি কাকে কী বলছেন?  
তাইরেনিয়াস। তোমাকে দিয়েছি রাজ্য, তুমি রক্ষী, আমি শিক্ষাগুরু।  
ক্রেয়োন। ভূয়োদশ গুরুদেব, কিন্তু গুরুদক্ষিণাকাতর।  
তাইরেনিয়াস। জিহ্বাসংবরণ করো, শেষ কথা এখনো বলিনি।  
ক্রেয়োন। নিঃসংকোচে ব'লে যান, উৎকোচের ভরসা না-রেখে।  
তাইরেনিয়াস। আমার ধর্মকে তুলি বাস্তবিক পেশা মনে করে?  
ক্রেয়োন। করিই তো, নই কারো চক্রান্তচালিত ক্রীড়নক।  
তাইরেনিয়াস। তবে বলতে বাধ্য হই। সূর্য তাঁর রথপর্শটনে  
আরেক অয়নপথ অতিক্রান্ত হ'তে-না-হতেই  
ঘনাবে তোমার রাজি। তোর পুত্র নিজ মৃত্যু দিয়ে  
শুধবে মৃত্যুর গ, মরণ তোমার মহাজন,  
তুমি তার অধর্ম, তার কাছে ছই ভাবে ঋণী:  
এক, তুমি একটা জীবন পাঠিয়েছো মরণের  
পরীক্ষার্থিনী ক'রে জীবন্ত কবরে। দ্বিতীয়ত,  
মৃত মাহুঘের মৃত্যুক্ষেত্রে প্রাপ্য গ্রাম্য অধিকার  
অধিকার ক'রে তুমি এক মাহুঘের মৃতদেহ  
অনাদৃত স্বজনের রোদনবঞ্চিত অনাবৃত  
রেখেছো পথের মধ্যে। এর ফল কখনো ভেবেছো?  
কর্মফল ভোগ করা, প্রতিক্রম নরকের প্রেত,  
পাতালের পিশাচিনী তোর জ্ঞাত উদ্গ্রীব রয়েছে,  
তারাই তোমাকে মেবে তোমার নিজস্ব পরিণাম।  
বোঝো তবে কী ইষ্ট সাধিত হ'লো জ্যোতিষীর? বোঝো,

আর খুব বেশি দেরি নেই, তোর প্রাসাদমহল  
আবালবনিতাবুদ্ধ ভ'রে তুলবে মড়াকামারোলো ;  
তোকে ঘিরে শাপ দেবে প্রতিবেশী প্রতিটি নগরী,  
তাদেরও অগ্নিতপ্রাণ শহীদেরা যোগ্য সম্মান  
পায়নি, শিকারি জন্তু সংকার করেছে, তাদেরও তো  
উনানে চুল্লিতে রক্ত পড়েছিলো পরিতৃপ্ত যতো  
কুকুরের মুখ থেকে, শকুনির মুখ থেকে। তুমি  
আমারে কথার বিবে দণ্ডেছো, এবার তুমি নিজে  
বক্ষাবিদ্ধ হও অভিসম্পাতের ধারালো শায়কে,  
মর্মে-মর্মে যাতনার অর্থ বোকো, পরিতাপ করো।  
ওরে বাছা, কই তুই, আমাকে ফিরিয়ে নিয়ে চল,  
শাপ তার কর্তব্য উগরে দিক বয়োকনিষ্ঠেরে,  
তারপর শান্ত হোক। চল বাছা, বাড়ি নিয়ে চল।

[ তাইরেসিয়াস ও বালকটির নিষ্ক্রমণ ]

হৃদয়ধার । উনি চ'লে গিয়েছেন, মহারাজ। ব'লে গিয়েছেন  
দুর্ভাগ্য ভীষণ, আর রক্ষা নেই। এক মাথা চুল  
যবে কালো ছিলো সেই যুবাকাল থেকে বৃদ্ধকালে  
সব শাদা হ'লে—ওঁর কোনো বাক্য বিফল দেখিনি।  
কেয়োন । সে-কথা আমিও জানি, শক্স এসে আমাকেও ঢাকে,  
টার কাছে নত হওয়া ছঃসহ বে, কিন্তু দর্পনাশা  
নিয়তি দংশায় যদি, হায়, সে যে আরো দুর্বিষহ।  
হৃদয়ধার । কেয়োন, আপনি যদি পরামর্শ নিভেন এখন।  
কেয়োন । বলুন, বলুন, আজ শিরোধার্য আপনার আদেশ।  
হৃদয়ধার । তবে মুক্ত ক'রে দিন সেই তরুণীরে, আর সেই  
অবজ্ঞাত মৃতটির সমাধির উদ্ভোগ করুন।  
কেয়োন । আপনারা তাহ'লে কি এ-ইচ্ছাই পোষণ করেন ?

হৃদয়ধার । মহারাজ, অতি শীঘ্র এই কাজ সম্পাদিত হোক,  
অত্নায় প্রতিবিধানে দেবতার সখর তৎপর।  
কেয়োন । হা ঈশ্বর ! এ বড়ো কঠিন কাজ, তবু তাই হোক,  
যুগ কেন আমি আর গ্রহের বিরুদ্ধে যুঝে মরি !  
হৃদয়ধার । তবে যান, স্বহস্তে কঠিন কাজ সমাধা করুন।  
কেয়োন । এই মুহূর্তেই যাবো, যত অল্পচর,  
কুঠার কুড়াল নিয়ে সকলে এখন  
অদূর পাহাড়ে চলা, নির্দেশ পেয়েছি।  
আগে তো বৃষ্ণিনি, বড়ো দেরিতে ব্যর্থছি  
যে-আমি রুখেছি তারে, সেই আমি তার  
বাঁধন খুলবো। যত কষ্ট হয় হোক,  
আজীবন সনাতন সত্যরক্ষা ভালো।

সংস্বব

স্বায়ী : এক

একং সদ্ভিপ্রা বহুধা বদন্তয়িং

যমঃ মাতরিত্থানমাছঃ।

শত নামে এক, তুমি কদমৎ-কণ্ডার বাহলীন,  
বজ্রবস্ত্র জ্বিউসের শিশু ইতালিয়া-প্রাণবায়ু।  
রহস্যময়ী এলেউসিনিয়া তোমার চরণে বরে,  
তোমার সকাশে ইসমেনাসের জল  
ব'য়ে-ব'য়ে যায় র'য়ে-র'য়ে ছলোছল,  
মোহনিয়া সেই মেয়েদের মাভা খেবা নগরীর 'পরে  
মাটিতে লুকানো ড্রাগনের দাঁত—এ-নবই তোমার তরে।

অন্তরা : এক

তোমার জঘ দাবানল জলে দুই চুড়া গিরিভঙ্গে  
কোকনিয়া যত নর্তকী নাচে উত্তল জলতরঙ্গে,

আরোহ চন্দ্রে রশ্মি তানের চরণের কিকিনী,  
নিরে বিনীতা কান্তালিয়ার স্বচ্ছ শ্রোতবিনী।  
তোমার লাগ্তে হুশা পাহাড়ের অঙ্গে  
আজু রুগুচ্ছ বেয়ে-বেয়ে ওঠে সারাদিন সারাদিনই,  
আজু রুগুচ্ছ টুলে-টুলে পড়ে অস্তুরীপের অঙ্গে,  
অপর্যাপ্ত পুষ্পতবক স্তোত্রসঙ্কারিণী,  
এ-পথ ও-পথ অঞ্জলি দেয় তোমার মহাজীবনকে ॥

স্থায়ী : দুই

ভীর্ষের সেবা খেবাই নগরী তোমার প্রিয়,  
তারে ভালোবাসো তুমি ও তোমার জননী জিউসজ্জায়া,  
তারি পাশে এসো, হেরো তার মুখে দুর্দিন ফেলে ছায়া,  
তোরণে-তোরণে অভয়মন্ত্র দিয়ে,  
চকিতে মেটাও ব্যথিতের ব্যথা তৃষিতের অশনায়,  
পার্নাসিয়ার পর্বতচূড়ে তুমি যে পার্নাসীয়,  
গর্জমুখর জলপথ জুড়ে মূর্ত তোমার মায়া।

অস্তুরী : দুই

অগ্নিবর্ষী তারাপুঞ্জের আলোড়িত সমতানে  
তুমি অগ্রণী হে রাজরাজেশ্বর,  
হে অধিনায়ক, সমবেত গানে-গানে  
ঝরাও অঝোর নৈশিকী নিষার—  
বন্দে সবাই জিউসের সন্তানে ;  
তুমি এসো, আর মাতৃক তোমার মন্ত যতক চর  
সারারাত গীতিনৃত্যনাট্যে নাগকের সম্মানে।

[ একজন বার্তাবহ প্রবেশ করলো ]

তোমরা যারা বার্তাবহ কাদম্ব নগরীতে থাকো, তারা শোনো,  
তোমরা যারা আফ্রিয়ন-নাগরিকবৃন্দ, তারা শোনো,

মাহুনের জীবনের মজবুত ভিত্তি আছে কিনা,  
বলতে পারবো না। তবে এটা ঠিক, ভাগ্য নামে এক  
অদ্বুত খেয়াল আছে, সে নাচায় স্থখী ও দুঃখীরে,  
কার কী কপাল কেউ কোনোদিন বলতে পারে না।  
শক্রের কবল থেকে ক্রেয়োনে ধন এ-শহর  
বাঁচিয়ে সারাটা রাজ্য সাবধান মুঠিতে নিলেন,  
পিতার গৌরবে রাজসিংহাসন আলো হয়েছিলো।  
তিনি আজ সর্বহারা—সেই তিনি। যে-জন নিজেকে  
মন্দভাগ্য করে সে যে বেঁচে আছে ব'লেই ধরি না,  
সে আসলে মারা গেছে : যদি ইচ্ছা করো ঘর ভ'রে  
ধনরত্ন জমা করো, জমা করো, যতো ইচ্ছা করো,  
রাজার পোশাক প'রে যতো ইচ্ছা রাজা সাজো তবু  
যে-রাজ্যে আনন্দ নেই, ছায়া রাজ্য। স্থখের বদলে  
ছায়ারাজত্বের ছায়া কিনবো ব'লে ভুলেও ভেবো না।

স্থত্রধার। এনেছো কী হু-সংবাদ ? রাজার বাড়ির সর্বনাশ ?  
বার্তাবহ। মৃত্যুসংবাদ, কিন্তু যে মেরেছে সে রয়েছে বেঁচে।  
স্থত্রধার। কে কাকে মেরেছে, বলো ; কোন সে-জন্মান ? কে মেরেছে ?  
বার্তাবহ। আইমোন মৃত, কিন্তু আগরক মারেনি তো তাঁকে !  
স্থত্রধার। আততায়ী তাহ'লে কি তাঁর পিতা, না তিনি নিজেই ?  
বার্তাবহ। পিতৃকর্মে ক্ষুর হ'য়ে আশ্রহত্যা করেছেন তিনি।  
স্থত্রধার। ভাবিকথকের কথা ক'লে গেলে অক্ষরে-অক্ষরে !  
বার্তাবহ। যা-ই হোক, এর পর কী কর্তব্য, সেটাই ভাবুন।  
স্থত্রধার। কিন্তু এ কী, ঐ দেখি ক্রেয়োনের রানী ইউক্লদিকে  
এই দিকে আসছেন, দ্বারলগ্না হুর্ভাগিনী রানী—  
অকারণে, নাকি তিনি আইমোনের কথা শুনেছেন ?

## কবিতা

শৌষ ১৩৬২

[ ইউর্যদিকের প্রবশ ]

### ইউর্যদিকে

ওগো নাগরিকবৃন্দ, আপনাদের কথার গুণন  
কানে আসছিলো, আমি পাল্লাস দেবীর পূজা নিয়ে  
মন্দিরে চলেছিলাম, সেইকণে। দরজার শিকল  
যেই না খুলেছি অমানি অন্দরমহল থেকে এসে  
চাপা শব্দ কানে বিঁধলো, আচমকা আতঙ্কে সংজ্ঞাহারা  
মাথা ঘুরে একেবারে প'ড়ে গেছি দাসীদের হাতে :  
কিন্তু কী বলছিলেন, সমস্ত বলুন। বহদিন  
আমি দুঃখনহা, আমি সব দুঃখ সহিতে পারবো।  
মহারানী, সে-ভার নিলাম আমি, যা দেখেছি সবই  
নিবেদন করি, আমি এক বর্ষ কমাবো না তার।  
একটু গল্পের রং চড়াবো না, সেই রূপকথা  
মিথ্যা কথা হবে। তাই সত্য কথা সবচেয়ে ভালো।  
মহারাজ যাক্ষিলেন পাহাড়ের চূড়ায়, বেখানে  
মড়া পোলুনাইকেস প'ড়ে ছিলো, কুসুরের দল  
ছিঁড়ে-খুঁড়ে গেছে তাকে। প্রুতো, পাতালের ঘম আর  
ত্রিপথেশ্বরী হাব, এই দুই দেবতার কাছে  
পোলুনাইকেসের নামে প্রার্থনা করতে বললাম :  
তারপর মৃতদেহ জলে ধুয়ে পাশের বনের  
গাছ থেকে ভাল কেটে ছড়ানো মাংসের টুকরোগুলি  
জড়ো ক'রে চিতা সাজলাম, শেষে ছাইয়ের উপরে  
মাতৃভূমি খেবানগরীর মাটি ছড়িয়ে দিলাম।  
তারপর, একটু না-জিরিয়েই খুঁজতে গেলাম  
রাজকুমারীর জ্ঞ পাতুরে গালিচা-পাতা ঘর—  
যেখানে মরণ তার ঘরনীর জ্ঞ অপেক্ষায়

বার্তাবহ।

## কবিতা

বর্ষ ২৩, সংখ্যা ২

ওং পেতে ছিলো, সেই গুহাগর্ভে। আমাদের মধো  
একজন শুনতে পেলো কে যেন ককিয়ে উঠলো জ্বোরে,  
সে তখনই জেয়োনকে জেকে আনলো, বাতাসে কে যেন  
কঁদে যাচ্ছে পাষাণবখার ভারে, সেই স্বর ধ'রে  
সামনে গিয়ে আমাদের মহারাজা ডুকরে উঠলেন—  
“হা অদৃষ্ট! বৃক কীপছে সর্বনাশের আশঙ্কায়।  
এমন ভীষণ রাস্তা এ-জীবনে কখনো হাঁটিনি।  
এ নিশ্চয়ই রাজপুত্র আইমোনের কামার স্বর!  
ওরে ও প্রহরী, চল :—পাথর সরিয়ে গুহামুখে,  
দেখি সত্যি আইমোনের গলার আওয়াজ কিনা, নাকি  
স্বর্ণ থেকে দেবতার। মোরে করে বাগকৌতুক।”  
—সদে-সদে ছুটে গেছি আমরা সবাই, তারপর  
শেষ গুহাগর্ভে যেই পৌছিলাম, ধমকে গেলাম,  
পরনে তসরশাড়ি গলায় দড়ির ফাঁস হ'য়ে  
মেয়েটিকে ঘিরে আছে, রুঁ'কে সে-মেয়েটি রুলে আছে,  
আর তার কাঁখে তাকে জড়িয়ে কাঁদছেন আইমোন,  
চিরতরে শেষ মিলনের ছিন্ন গাঁঠিছড়া ধ'রে  
অবলা বধুর কাছে পিতৃত্যে ভাগ্যহত স্বামী।  
রাজা সব বেখলেন, আর্ন্তস্বরে ব'লে উঠলেন :  
“এ তুই কী করেছিস, আইমোন ? তোর মনে কী ছিলো ?  
ঘটেছে কী দুর্ঘটনা ? আয়, আয়, বাইরে চ'লে আয়,  
আমি তোর পিতা, তোর কাছে তোরই প্রাণভিক্ষা করি।”  
শুনেও রাজার ছেলে ভীত ঘৃণাতরে তাঁর দিকে  
তাকালেন, রাজার-মুখের 'পরে থুতু ফেললেন,  
নিঃশব্দে ছোয়ার বাটের ভাঁজে হাত রাখতেই  
রাজা পিছু হটলেন, ছোরার টিপ ফসকে গেলো,

রাগে কোভে রাজপুত্র অমনি ঝাঁপ দিয়ে পড়লেন  
ছোরাটার মুখে, বুক ফেটে রক্ত-বলকে-বলকে  
ছুটে এলো; তিনি তবু খাস টেনে কাঁপতে-কাঁপতে  
বধূকে বুকের মধ্যে ক্ষতস্থানে জড়িয়ে ধরলেন  
অবশ হুঁহাতে, রক্ত অঝোরে ফাকাশে গাল বেয়ে  
পড়তে লাগলো... তাঁর মৃত্যু ঠিক এই ভাবে হ'লো।  
মৃত্যু ও মিলন হ'লো একাকার, একটি দম্পতি  
উৎসব করার জ্ঞান রাজির বাসরে গেলো চ'লে...  
যে এ সব ঘটনার প্রত্যক্ষ দর্শক, সে-ই বোঝে  
মাহুষের দুঃখের কারণ তার অদূরদর্শিতা।

[ ইউরুদিকের নিষ্কমণ ]

স্বরূপার। এ কী! মহারানী দেখি কোনো কথা না-বলে হঠাৎ  
চ'লে গিয়েছেন, কেউ বলতে পারো কেন গিয়েছেন?  
বার্তাবহ। আমারও অবা ক ঠেকছে, তবে, মনে হয়, মহারানী  
শোকে মোহমান তবু লোকচক্ষুে তাঁর সে-দুঃখ  
দেখাতে চান না, তাই চুপি-চুপি কাঁদতে গেছেন।  
তাঁর সঙ্গে ঘরের দাসীরা শুধু আড়ালে কাঁদবে,  
ভেঙে পড়লেও তিনি রাজরানী, শাস্ত্র, গরবিনী।  
স্বরূপার। কী জানি, নিজে তো আমি চরম ছুটেই ভয় করি,  
মৌন নিখরতা কিংবা বুক-কাটা কামার মুচুতা।  
বার্তাবহ। যা হোক, এখন সব জানা যাবে। বাড়ির ভিতরে  
দেখে আসি কী ক'রে যে মহারানী এত বড়ো শোক  
মুগ্ধ বৃজে সইছেন। মহাশয়, ঠিক বলেছেন,  
বোবা নিখরতা পাথরের মতো বুক চেপে বসে।

[ প্রস্থান ]

সংস্কৃত

হেরো, হেরো ঐ রাজাও বিফলকাম,  
হুঁহাতে বহেন নিজের দুঃখভার,  
হেরো চঞ্চল মাছবের পরিণাম,  
ষেচ্ছাচারিতা ক্ষয় করে সংসার।

[ রক্ষীসহ ক্রেয়ানের প্রবেশ, আইমোনের  
মৃতদেহ ক্রেয়ান বহন করছেন। ]

ক্রেয়ানের গান

স্থায়ী : এক

অন্ধ চিত্তে বুনছিলাম পাপের পরে পাপ,  
এখন পরিতাপ,

শক্তিমান—সে বুঝি বাধে? সর্বশক্তিমান—  
সে বুঝি হানে? তোমরা ছাথো বিচিত্র বিশ্বান।  
তোমরা ছাথো—যাতক পিতা, নিহত সন্তান।  
মৃত্যু নিলো যৌবনের প্রাণ,  
এ যেন যুবা নবজাতক সম,  
নিখাসের পবন হ'লো নিশুপু পাষাণ,  
আমারি পাপ, নিরপরাধ বিগত শিশু সম।  
স্বরূপার। বিলম্বিত, মহারাজ, সত্যপথে এসেছেন আজ।

ক্রেয়ানের গান

স্থায়ী : দুই

এখন শুধু রক্ষ পথ, পারিনি যেতে আর,  
বিনত শিরে বহন করি অভিশাপের ভার,  
ক্লান্তি নামে ক্লান্তি ছায় দিনান্তে আমার,  
দেবতা রাখে আমারে তার পদ্রব পদতলে,

অন্ধকার, অন্ধকার, শুধু অন্ধকার,  
মিথ্যা হ'লো সকল শ্রম, দিন গেলো বিফলে।

[ বার্তাবহের প্রবেশ ]

বার্তাবহ। প্রভু, বৃকভরা দুঃখে আজ আপনি ব্যথার মালিক,  
একটি ব্যথার ভার আপনার দু'হাতে এখন,  
আরেকটি আপনার অট্টালিকায়, অপেক্ষায়।  
ক্রেয়োন। কোন দুর্ঘটনা? আর কোন সর্বনাশ বাকি আছে?  
বার্তাবহ। আমাদের মহারানী, রাজপুত্র আইমোন-মাতা  
স্বর্গতা এখন, তিনি সত্যোন্মতা, দুঃখের আঘাতে।

ক্রেয়ানের গান

অন্তরা: এক

তোমার সাথে কে পারে হাইদাস,  
কালান্তক তুমি যে যম পাতালছাষ্পতি,  
অসন্তোষে কাড়বে কেন আমার নিখাস?  
কীর্তিনাশা, এনেছো তুমি এ-কোন দুর্গতি!  
মৃত যে-জন, আবার তার প্রতি  
নিদয় কেন হানো মরণ-পাশ?  
কল্পগাহীন, এখনো সংহরো,  
মরণে কেন আরো মরণ সংকলন করো,  
নিয়েছো কেন নারীর প্রাণ, দুঃখে কেন বাড়াও সন্ত্রাস?  
বার্তাবহ। দেখুন নিছের চোখে। খুললো প্রাসাদসিংহদ্বার।

[ উন্মুক্ত বেদী দেখা যাচ্ছে, ইউক্লিডিকের মৃতদেহ বেদীতে শায়িত ]

ক্রেয়ানের গান

অন্তরা: দুই

বলো কী কাজ এখনো বাকি আর?  
কোন কাহিনী এখনো অকথিত?

বর্ষ ২৩, সংখ্যা ২

বাহতে মোর কুমার স্বকুমার  
মৃত!

চোখের পরে পুঞ্জীভূত

মরণ জমে। কুমার গেলো। জননী গেলো তার।  
বার্তাবহ। ওখানে বেদীর মধ্যে তীক্ষ্ণ ছুরিতে বন্ধ বিধে  
রাজকুমারের মাতা, রাজরানী। চোখের পাতায়  
পূর্বমৃত মেগরিয়াসের জন্তু কালো চোখে কেঁদে  
তারপর আইমোনের নাম নিয়ে কান্না তাঁর!  
নবশেষে পুত্রঘাতী রাজার উদ্দেশে অভির্শাপ।

ক্রেয়ানের গান

স্বায়ী: তিন

শঙ্কায় আমি শুক অসাড়!  
স্বতীক্ষ্ণ ছোরা হাতে আছে কার?  
কাছে এসে নাও জীবন আমার।  
হায়, হায়, আমি কেন বেঁচে আর?  
যন্ত্রণা সার, যন্ত্রণা সার।  
বার্তাবহ। হয়তো এটাই তিনি চেয়েছেন মৃত্যুর সময়:  
“যার জন্তে আমার ছ-ছেলে গেছে, প্রতিফল পাক।”  
স্বতীক্ষ্ণ। কী ভাবে বরণ ক'রে মৃত্যুকে নিলেন মহারানী?  
বার্তাবহ। যেই স্মনলেন তাঁর পুত্রের মরণে কামারোল,  
অমনি বৃকের মাঝে ছোরাটাঁকে বসিয়ে দিলেন।

ক্রেয়ানের গান

স্বায়ী: চার

আমার এ-পাপ, আমার এ-শোক,  
আরোপ করো না নিরপরাধে,  
আমিই আমার পুত্রঘাতক,

কবিতা

পৌষ ১৩৬৫

এই ধরণীর শেষ সীমাতে

নিয়ে যাও মোরে। আমি পলাতক

জন্মদিনেই মৃত্যুকাদে!

স্বত্বধার।

আপনি ভালোই বলেছেন, খোর দুঃসময় এলে  
যা হবার সেটাই তো অতি ক্রত হ'য়ে যাওয়া ভালো।

ক্রেয়ানের গান

অন্তরা : তিন

নিয়তি, তোমার স্বাগত অপার,

মোর শিরে হানো চিরবিরতি,

আনো অস্তিম রাত্রি আমার,

সেই তো আমার পরমাগতি,

দেখতে দিয়ো না প্রভুবা আর।

স্বত্বধার।

কালকের কথা কাল; আজো কিছু করণীয় কিনা,

ভাবতে হবে। এর বেশি আমাদের চিন্তনীয় নয়।

ক্রেয়ান।

মিশেছে আমার কণ্ঠ সবার মিলিত প্রার্থনায়।

স্বত্বধার।

প্রার্থনা এখন থাক। অনিবার্য অদৃষ্টের থেকে

পৃথিবীর মাঝবের একতিল অব্যাহতি নেই।

ক্রেয়ানের গান

অন্তরা : চার

মানবজন্ম গেলো পরমাদে,

এমন জীবন অবদান হোক,

পত্নীহস্তা পুত্রবাতক—

কে তারে ফমিবে? নিজেই হাতে

নিজে মরি আমি। অসহ অমোঘ

তমিস্রভার নিয়েছি মাখে।

[ রক্ষীসহ ক্রেয়ানের নিষ্ক্রমণ ]

কবিতা

বর্ষ ২৩, সংখ্যা ২

সংস্করণ

মাছঘের কাছে প্রজ্ঞার চেয়ে মহত্তর

আর-কিছু নেই। বিধাতার বাণী সগৌরবে

নিত্য ধ্বনিছে, সেইখানে মাথা নোয়াতে হবে।

মুখর দম্ব প্রভুর অনল এড়ালো কবে?

মহানির্বাণে দর্প হরো,

তার আগে তুমি বুকের করো জ্ঞানবুদ্ধ, গোধূলিন্ডে।

কবিতা  
পৌষ ১৩৬৫

ডাকটিকিটে বিপিন পালের মুখ

অলোকরঞ্জন দাশগুপ্ত

আমি আমার ভালোবাসা পাঠিয়েছিলাম তোমার কাছে,  
হে সম্রাজ্ঞী, যেমন অশখভাল  
অশখভালকে ভালোবেসে অনায়াসে দাবি জানায়—  
কিন্তু তোমার সাপেক্ষ দেশকাল।

তবে আমার ভালোবাসা দেশকালাতীত ধ্যানধারণা ?  
করিনে সেই পরবিস্তার ;  
খুব বেশি দূর যাইনি আমি, আমার শুধু সীমান্ত এই  
এদিক-ওদিক বাংলা ও বিহার—

ছুটি হ'লে দেওঘরে যাই, তখন আমার সঙ্গে থাকেন  
পথের বন্ধু চারজন পাঁচজন,  
এই দেওঘর আগে ছিলো বাংলাদেশের, আজ বিহারের ;  
( ছুরি চালান লর্ড কার্জন ? )

বাংলাদেশের মধ্য থেকেই তোমার: চিঠি এসেছে আজ,  
ডাকটিকিটে বিপিন পালের মুখ,  
কিন্তু তুমি চোর চাবুক মেহেরেছো ঐ চিঠির মধ্যে,  
বিদেশিনীর আঙ্গিকে চাবুক।

চৌকাঠে তাই থমকে আছি, মায়ের দেয়া মোটা কাপড়  
ঢেকেছে আজ আমার কঙ্কাল,  
ঘরোয়া এই ঘরের ভিতর আমার পাশে স্পষ্টভাবী  
ডাকটিকিটের বিপিনচন্দ্র পাল ॥

কবিতা  
বর্ষ ২৩, সংখ্যা ২

দুটি অপ্ৰাকৃত কবিতা

ভার্যাপদ রায়

সাইকেল, গাধা এবং ধোপার কাছিনী

‘একটা সাইকেল পেলে যাওয়া যেতো  
ধোপাদের উজ্জল দোকানে।...’  
ধোপার বাতিল, মৃত গাধা /  
অস্তরীক্ষে হেসেছিলো এইটুকু শুনে।  
সে ছিলো অনেক কাল  
মনিবের নিত্যসঙ্গী ভাটিতে, দোকানে।  
সে জানে, ভালোই জানে  
উজ্জলতা, কী যে তার মানে,  
বিশেষত ধোপার দোকানে ॥

গোরস্থান

‘মোস্তার ইজ্জৎ নেই, গোলাম-বাদশারও...’  
এই নিয়ে হাসাহাসি ক’রে  
খেকশোয়ালের তিন তরুণ শাবক  
অন্ধকারে গোরস্থানে নিস্তরুতা ফেলে চ’লে গেলো।

মাঝরাতে আশশাওড়ার ঝোপ থেকে  
উঠে এলো হলুদ করুণ চাঁদ বাদামি আকাশে  
সঙ্গে এক শীর্ণ চামচিকে।

কবরে মাটির নিচে পাশ ফিরে শুতে কষ্ট হ’লো ;  
ফজল গুণ্ডার আত্মা জানলো না  
তার কালরঞ্জনীর বিবি  
আজ্ঞো চোখে স্বপ্নমা এঁকেছে ॥



## তিনটি কবিতা

## প্রণবেন্দু দাশগুপ্ত

## কোনো দার্শনিক কবিকে

ভূমিও জেনেছো শীত ভোরবেলা হিমেল হাওয়ায়,  
বিলোল তুফার ছলে নামঞ্জুর ঠোঁটের কাকিল,  
তবে কেন স্তোক দাও, দর্শন উজাড় করে! অমুক সভায়—  
যেন হতবাক ছিলে, এইমাত্র জেনেছো সকলই।

ভাবি, কেন চোখ দিলে; ঐ ভাবে শিশ দিয়ে গেলে  
গ্রামের ভাঁড়ের দলে এতদিন রঙিন মেলায়  
পাখির পালক চূলে হরবোলা হতেম বিকেলে—  
কেন স্নেট হাতে নিয়ে ডাক দিলে আরেক খেলায় ?

জানো, স্নায়ু তীর কত। একভাবে তপ্তজল ঢালে  
মুদি, কি পরম জ্ঞানী, ( বাজারের ক্লাস্ত লেনদেনও ),  
ভুলেছো, কেমন রোদ কমবেশি মেখেছি সকালে—  
যদি সব মনে থাকে, তবে আর পংক্তি লেখা কেন ॥

## সম্পর্ক

সবাই শুঁছিয়ে নেয় : মেধাবী, কি নিতান্ত অবোধ,  
অনন্তের ধ্যান চোখে তুলে নেয় মুহূর্তের মেকি—  
কিন্তু, যে-লোকটা তার কোনোদিন বোঝেনি আমোদ,  
অঙ্গভঙ্গের হাঠাঠার তার কোনো স্বপ্ন ছিড়েছে কি ?

\*

\*

\*

ছিলো কি রাজার হালে ? ঘর, ফুল, পাথর, অথবা  
আশু মাঘব বার ভাঁড়ারের কোঁটো ভ'রে থাকে—  
কিন্তু বাহবা দিলে আসরের অন্ধকারে বোবা  
সে যৌজে নিজের দুর্গ, চোখ ভাবে গাছের পাতাকে।

কোথাও পৌঁছবে কিনা, সে এখনও নিজেই জানে না—  
শব্দ ছাড়া কিছু নেই, শব্দে তার খোপার্জিত ক্ষমা,  
জয়, পরাজয়, ধানি, বাচালের উজ্জ্বলিত ফেনা,...  
সমস্ত সৃষ্টিয়ে নেয়, অন্ন ঝাঁচে, একটি উপমা ॥

## অপেক্ষা

একটা কথা আমায় জানতে হবে  
ওরা আমায় পাহাড় থেকে  
গড়িয়ে ঠেলে দিলো কেন ?  
ঠেলে যদি দিলোই, তবে হাওয়াও কেন অমন মুহূ ভ্রমর,  
ঘুরে-ঘুরে, যা পো, আমায় ঘিরে-ঘিরে হরের মতো ওড়ে।

নইলে, ঐ পূর্বপুরুষ সাতটি তারার চোখে ঢালে  
ঘুমের ছলে আমায় ডেকেছিলেন ; তবু, সেদিন  
যাইনি, আমায় জেনে নিতে হবেই বলে—  
কেন ওরা পাহাড় থেকে, পাহাড়তল্লির বাড়ি থেকে  
আমায় অমন অতর্কিতে ঠেলে দিলো।

একটা কথা আমায় জানতে হবে।  
দু-তিনটে লোক অমন ক'রে তাকায কেন ভিড়ে,  
কেমন ক'রে জানে আমার রক্তে কোনো আঁগুন আছে কিনা—

কবিতা  
শেষ ১৩৬৫

পরখ ক'রে দেখতে যদি ভালো লাগে,  
ওরা আমার পাজর ছেড়ে, আমার পথের ধুলো ছুঁয়ে  
অট্টহাসি ক'রে উঠলো কেন—  
একটা কথা আমায় জানতে হবে।

বুকে অনেক দুঃখ কিন্তু আমার কথা কাউকে বলিনি—  
ধূর্ত চোখে ছোঁরা জ্বলবে ভেবে এখন রাজে ব'সে আছি,  
ম'রে যেতে-যেতেও দেখবো, কোনো নদীর জলে এসে  
ওদের ছায়া লজ্জা হ'য়ে কাঁপে কিনা—  
লুটোয় কিনা কোনো নদীর বিশাল নীল ছায়া।

একটা কথা আমায় জানতে হবে।  
কেমন ক'রে জানে ওরা, এখানে শেষ ওখানে তার স্তর,  
কোনো ঘরের দেয়াল বেয়ে লতা উঠছে কিনা—

একটা কথা আমায় জানতে হবে।

কবিতা  
বর্ষ ২৩, সংখ্যা ১

## ছুটি সনেট

শুক্‌কান মালামে

তোমার গল্পে প্রবেশাধিকার পাওয়া...  
(*M'introduire dans ton histoire...*)

তোমার গল্পে প্রবেশাধিকার পাওয়া  
—যেন সচকিত বীরের সতর্কতা  
নগ্নচরণ হ'য়ে, তার অস্থগা  
কিঞ্চিং সেই জমি ছুঁয়ে-ছুঁয়ে যাওয়া

যেখানে অনেক হিমবাহ-ভাঙা হাওয়া—  
জামি না সে-পাপ, তাতে কৌশলপ্রথা  
ধাক্কক, করে না তোমার অন্তত  
আমাকে রুদ্ধ। আমি হেসে জিতে যাওয়া।

বলো, যদি আমি না হই আনন্দিত,  
পদ্মরাগ ও বজ্রে আর্বাতিত  
এ-অগ্নিমুখ হাওয়াকে কী ক'রে রত

দেখি অরাজক ছড়ানো রাজ্যে, যাতে  
সে-মৃত্যুমুখ রাজকীয়তার মতো  
আমার সন্ধারথের চাকায় মাতে।

সে এক অলকগুচ্ছ  
( La Chevelure... )

সে এক অলকগুচ্ছ, অগ্নিশিখ উচ্চ বাসনার  
স্দুর প্রতীচী যেন মুক্ত করে সব আবরণ  
প্রচিত ( বলি, সে যেন মুত্বা এক রাজক্ষমতার )  
জয়মৌলি ক্রান্তে তার উত্তাপের মাটি সনাতন ।

অবর্ণাভ তবু, তাই দীর্ঘধাস ! এ-জীবন্ত মেঘ  
অর্চিস্বয় সম্ভাবনা সর্বদাই রাখে অন্তরীন  
মূলত যেখানে শুধু এক পাবে প্রবাহ-আবেগ  
রত্নময় চোখে, হোক উৎসাহী বা ছলনারঙিন ।

স্পর্শভীর্ণ নয়কের উলঙ্গতা প্রকাশিত ক'রে  
তাকে বা না গতিময় তারা কিংবা অর্চি তর্জনী  
আনে না তবুও শুধু সরলার্থে সে-মেঘের পরে  
সগোরব শিরোশোভা, অর্চিস্বয়, প্রবন্ধিতটির

চূনিত্তে রোপণ হলে যতো প্রতিপালিত সন্দেহ  
যেন এক আনন্দিত রক্ষয়িত্তা আলোকের দেহ ।

অনুবাদ : প্রণব চট্টোপাধ্যায়

দুটি কবিতা

তরুণ সান্দ্যাল

প্রতিহারীর বিলাপ

দীর্ঘ দেবদাক গাছ জঙ্ঘায় তোমার,  
স্তনযুগে ক্ষিপ্র ফণিমনসার কাঁটা,  
পাটভাঙা নীল শাড়ি ছিঁড়ে নেয় স্বক, সমারোহে  
একে অচ্ছে জলাঞ্জলি দেয়, চায় মূল্য উপমার—  
আমি আছি দৃশ্বের প্রলয়ে ।

দূরে-দূরে ছায়াচ্ছন্ন কুঞ্জ, ওরা কামনার মধ্যরাত্রি হাতে  
সমুদ্রের ভুকম্পনে দ্বীপ—  
লক্ষ প্রদীপের শিখা দাবানল-জালানো আঙুলে  
স্বর্গের দুয়ার তুলি, আমি প্রতিহারী  
ঐ কুঞ্জে কাঁট আছে, সেও আমি, যৌবনের ফলে  
ঘিরে আছে দশ পাপাঙ্কি. আমার নখের তরবারি ।

এখন রক্তের গাঢ় অন্ধকারে ঘুম ফেরে জোনাকি আলোর  
উত্তীর্ণ তীর্থের দিকে প্রসারিত ব্যাপ্ত করতল—  
( আমায় ফেলো না এই শূণ্য প্রান্তরের পথে যেতে  
'হাওয়া হবে পিপাসায় জল' ) ।

আমি অন্তরালে আছি গুপ্ত ঘাতকের মনে, ঘারী  
কে যায় মহলে, যাও, পাতা, ফুলে ফলে গন্ধে নারী ॥

অশ্রু

কোথাও তো জল নেই, কিন্তু জলধারা  
এই তাখেণ করতলে, এই তাখেণ জল,  
আমার জন্মের আগে কতবার সূর্য উঠেছিলো  
কতবার মেঘ হ'লো স্নোত, হ'লো আকাশগঙ্গার চলাচল,  
আমার সে-দুটি আয়না দুটি করতল ।

প্রিয় গান, প্রিয়তম সুর, এক নারী, একটি বেহালা,  
শেষরাতে চাঁদ-ওঠা স্তম্ভতার স্রয়া  
আমার চোখের ঘন বিশৃঙ্খল অরণ্য, মরণ  
প্রান্তরের শিশিরে বিছানো—  
আমি পেতে চাই ব'লে, কর্তে দোলে কলঙ্কের মালা ।

নপুর্বি দেখি না, ঐ কালপুরুষের খড়্গ, আমি  
রোদের বর্ণালি আর মৃত তারাদের কমণ্ডলু  
ধারণ করেছি চোখে, বৃকে যথাক্রমে—  
বেতে চাই কালের সংগমে,  
বেথানে নির্বাক শিলা ভূত, বর্তমান ও আগামী—

কোথাও তো জল নেই, করতল,  
আমার দর্পণ করতল ॥

উনগারেস্তির কবিতা

প্রণবেন্দু দাশগুপ্ত

উনিশ শতকের শেষ থেকেই যুরোপের কবিতায় পালা-বদল শুরু হ'লো।  
তথ্যবিত্তার, লোকরঞ্জন, রাজনীতি—ইত্যাকার পুণ্যার্জন ছাড়াও কবিতার যে  
অজ লক্ষ্য থাকতে পারে, এবং সে-লক্ষ্য যে কম কাম্য নয়, এ-বিষয়ে একমত  
হলেন অনেকে। বস্তুত, এই পালা-বদলের মূলে ছিলো বিশুদ্ধতার প্রেরণা :  
কবিতাকে বিশুদ্ধ হ'তে হবে, যা বর্জনীয় তা নির্ধিকায় পরিত্যাজ্য, গড়নে খাটো  
হোক, আকারে-প্রকারে গতকালের মেঘনালিতা না-থাকুক—তাকে নির্ভার  
হ'তে হবে, নির্বহল, প্রয়োজনবোধে নিরলংকার। এঙগার পো দীর্ঘ কবিতার  
জাত মেরেছিলেন; শুধু তা-ই নয়, তিনি বুঝেছিলেন যে-কোনো শিল্পকর্মের  
পক্ষে রহস্যরোপ এবং প্রতীকধর্মের প্রয়োজনীয়তা কতখানি। অর্থাৎ  
সেই সব লক্ষণ, যার ফলে কবিতার দৈর্ঘ্য বাড়ে না, ঘনত্ব বাড়ে, এবং ইঙ্গিতের  
ধোরাকে আমাদের কল্পনাশক্তি লাভবান হয়। পো প্রথম শ্রেণীর কেন  
দ্বিতীয় শ্রেণীর কবিও যদি না-হন, তাতে কিছু এসে যায় না, সাগর-পারের  
একটা দেশ যখন উঁকে সামনে রেখে কবিতার প্রায় যুগান্তর নিয়ে এলো,  
তখন তাঁর ঐতিহাসিক মূল্য অবশ্বস্বীকার্য। যাকে দীর্ঘ কবিতা বলে,  
ক্রাসের প্রতীকী কবিরা সেখান থেকে গা বাঁচিয়ে চলতেন, কিন্তু ছোটো  
কবিতাই যে লিখতে হবে, এ-রকম কোনো জেদ ছিলো না তাঁদের। কার্যত,  
মোটামুটি দীর্ঘ কবিতা তাঁরা অনেকেই রচনা ক'রে গেছেন। কিন্তু ফিতে-  
মাপা কবিতার আকারটাই এখানে সবচেয়ে বড়ো কথা নয়, আমাদের জানবার  
কথা হ'লো যে—কী ভাবে রোমাণ্টিক আভিশযা এবং উচ্ছ্বাসকে পরিত্যাগ  
করতে শিখলেন কবিরা, শিখলেন যে শব্দশুদ্ধি এবং উপমাশুদ্ধিই কবির প্রাথমিক  
কর্তব্য, নিসর্গ শুধু বর্ণনার বিষয়বস্তু নয়—বরং উপমার উৎস, প্রতীকের জননী।  
ফলত, কবিতার শরীর আর নড়বড়ে থাকলো না; একটু বা রোগী হ'লো, একটু  
সংহত, কিন্তু শৈথিল্যরহিত, এবং যথাসাধ্য বিশুদ্ধ। আবার পানেসিয়ানদের

পছের মতো আকারসর্বনয়, মালার্ঘ্যে কবিতাকে শক্ত ফ্রেমের মধ্যে এঁটেও ছড়িয়ে দিলেন, ভেদেনে শব্দ আর প্রতীক গুলিত হয়ে উঠলো।

বিশ শতকের ইতালীয় কবিতায় ফরাসী কবিতার, বিশেষত ফরাসী সিম্বলিস্ট কবিতার প্রভাব লক্ষ্য করে ত্রিভিধারক কোনো-কোনো ইতালীয় সমালোচক যে-আক্ষেপ করেছেন, তাতে আমরা সায় দিতে পারি না। কেননা, ফরাসী কবিতা থেকে ইতালির কবিতা সেই গুণগুলিই বেছে নিয়েছেন, যা আমরা এইমাত্র আলোচনা করেছি, এবং খুব সংক্ষেপে, যাকে বলা যায় : বিশুদ্ধ কবিতার প্রতি আগ্রহ। বলা বাহুল্য, অল্প যে-কোনো দেশের মতো ইতালিতে এই আধুনিক কবিতা অবহেলিত এবং তাঁদের যে ‘আলোছায়ার কবি’ বলা হয়, তার কারণ প্রধানত এই যে তাঁদের কাব্যচর্চায় পূর্বসূরীর প্রাচুর্য বা প্রভূত উজ্জ্বল্য নেই, কাব্যচর্চির শাস্তিহারক আশাবাদ নেই, এমনকি দাম্ভ্যনুসিয়ার আলংকারিক উজ্জ্বল পর্যন্ত বহুলাংশে অহুম্বসিত। অতীতকে, আমি যাদের কথা এই মুহুর্তে মনে রাখছি—সেই উনগারেত্তি, মনতালে, বা কাসিমোদোর সঙ্গে আধুনিক ইতালির চাঞ্চল্যকর কবি ফিলিপ্পো মারিনেত্তির কোনো সম্পর্ক নেই। কিংবা, তাঁর সেই ফিউচারিস্ট ইস্তাহারের সঙ্গে, যার মূলমন্ত্র ছিলো যন্ত্র, যুদ্ধ, আর গতির অগ্রগমন, এবং যার প্রথম লাইন শুরু হয়েছিলো এইভাবে, “ল্পর্ধা, দুঃসাহস, আর বিগ্রোহ—এই হচ্ছে কবিতার সারাংশার”। কিন্তু উনিশ শো বারো সালে, ফিউচারিস্ট ইস্তাহার বেরোনোর তিন বছর পরে, সম্পূর্ণ অল্প রকম একটি ইস্তাহারে একে-একে স্বাক্ষর পড়লো কয়েকটি কবির। উনগারেত্তির এই ইস্তাহারে জোর দেয়া হ’লো শব্দের গুণর, শব্দের মূর্তির গুণর; স্থির হ’লো, পংক্তিবিচ্ছাদে ব্যাকরণের নিয়মই যে মানতে হবে, তার কোনো মানে নেই। শব্দচেতনা, উপমার প্রতি যত্ন, পংক্তিবিচ্ছাদে স্বাধীনতা—এসমস্তই উনগারেত্তির কবিতায় প্রাণ, এবং সমস্ত কিছুই প্রকারান্তরে ফরাসী প্রতীকী কবিতার প্রতি প্রয়োজ্য। কিন্তু বাইরের দিক থেকে একাধিক উল্লেখযোগ্য সাদৃশ্য সত্ত্বেও, ফরাসী সিম্বলিস্টদের বিশুদ্ধ কবিতার ধারণা থেকে উনগারেত্তির নিজস্ব ধারণাটি স্বতন্ত্র। জীবনের সঙ্গে

শিল্পের পার্থক্য, জীবনকে প্রকৃতিকে শিল্পের উপকরণ হিসেবে গ্রহণ, কৃত্রিমের বন্দনা, জীবনচর্চার স্পর্শে শিল্পের সম্মানহানির আশঙ্কা—সব কিছুই, কোনো-না-কোনো ভাবে, ফরাসী সিম্বলিস্ট কবিতায় উপস্থিত। মালার্ঘ্যের এরমিমা এবং তাঁর দ্বিতীয় বথাক্রমে শিল্প এবং জীবনের প্রতীক—মুর-মুরে, একটু অল্প ভাবে, এই বিপরীতের প্রতীক তাঁর কবিতায় ধরা পড়েছে। জীবিতার স্তন উপেক্ষা করে মালার্ঘ্যে আমাজনীয় স্তনের বন্দনা করেছেন শুধু এই কারণে যে দ্বিতীয়টি মৃত, অ-প্রাকৃতিক, বিশুদ্ধ, এবং শিল্পের কাছাকাছি।

কিন্তু উনগারেত্তির ‘একটি মানুষের জীবন’\* যেখানে তাঁর চারটি বইয়ের কবিতা সংকলিত হয়েছে, তার ভিত্তিভূমি স্বতন্ত্র। জীবন এবং শিল্প, প্রকৃতি এবং শিল্প সম্বন্ধে ফরাসী প্রতীকী কবিতা যে-ধারণা পোষণ করতেন, উনগারেত্তি তা করেন না। এ-বিষয়ে আদৌ কোনো ধারণা তিনি সচেতনভাবে পোষণ কিনা, সে-সম্পর্কে কোনো কৌতূহল জাগে না আমাদের। তিনি বিশুদ্ধতার চর্চা করেন সোজাছাড়া বলে দেবার কৌশলে। অল্পবাদের সাহায্যে প’ড়েও মনে হয়—প্রত্যক্ষতাই তাঁর বিশুদ্ধতা। দু’একটি মুহূর্ত, একটি মূর্ছ, আর তার চারপাশের ছেঁড়া-ছেঁড়া ঘটনার মধ্যে বহুদূর থেকে একটি দীর্ঘ আলো এসে পড়লো—উনগারেত্তির কবিতা প’ড়ে এরকম অহুম্বুতি হয়।

প্রথম বইটি থেকে সংকলিত কবিতাগুলিতে ‘আমি’ শব্দটি বহুবার ব্যবহৃত হয়েছে। দ্বিতীয় বই থেকে ‘আমি’-র সংখ্যা কমতে শুরু করেছে—কিন্তু কখনোই বিলুপ্ত হয়নি। তিনি যে মূলত লিরিক কবি, একটি বিশেষ অবস্থায় বিশেষ পরিবেশে একটি বিশেষ ‘আমি’—এই ছবিটি কখনো-কখনো একটি পুরো কবিতা হয়েছে (যেমন, ‘সন্ধ্যা’, ‘সকাল’), কখনো-কখনো একটি কবিতার অংশ হয়েছে (যেমন, ‘আমি একজন প্রাণী’, ‘নদীরা’ )। ‘তীর্থযাত্রা’ কবিতায় তিনি স্বয়ং নিজেকেই সোধোন করেছেন—এবং প্রায় চৌনে কবিতার ধরনে বা পাউণ্ডের কোনো-কোনো ছোটো কবিতার মতো তাঁর এই

\*Life of a Man: Giuseppe Ungaretti, a version with an introduction by Allen Mandelbaum Hamish Hamilton, London and New Direction, New York. Bilingual.

কবিতাগুলিতে তুলির ছোটো-ছোটো টানের পর অনেকটা জায়গা যেন নির্বিবেক খালি পড়ে থাকে। কিন্তু টানে কবিতা সাধারণত যেমন একটি অপরিমিত আলঙ্গ এবং মধুর অবসাদে শেষ হয়, উনগারেস্তির কবিতাপাঠের অহুত্বিত সর্বত্র এ-রকম নয়। বরং যা উদ্দীপ্ত করে, চকিত করে—এমন উপকরণই বেশি।

উনগারেস্তির কোনো-কোনো কবিতার আকার লক্ষ্য ক'রে চমকে উঠতে হয়। দু'লাইন, তিন লাইন, কখনো-কখনো এক লাইনের কবিতা। 'I illumine me / with immensity'—একটি সম্পূর্ণ কবিতা; 'Of other floods I hear a dove'—অল্প একটি কবিতা, এবং এ-ধরনের উদাহরণ এখানেই শেষ নয়। প্রথম চোখে পড়বার মতো বৈশিষ্ট্য তাঁর কোনো-কোনো কবিতার এই আকারহ্রস্বতা হ'তে পারে, কিন্তু তাঁর ভালো কবিতাগুলো, সৌভাগ্যত, দীর্ঘতর। কবিতাকে সংহত, সংযত, এবং ইন্দ্রিতময় করবার দিকে আমরা উৎসাহী, কিন্তু এই দু'লাইন এক লাইনের এপিগ্রামকে ঠিক কবিতা বলা যায় কিনা সে-বিষয়ে সংশয় প্রকাশ করা যেতে পারে। বিশেষত, উনগারেস্তির কোনো কবিতা যখন মন্তব্যেই শেষ হয়েছে। 'Of other floods I hear a dove'—বাইবেল, এবং বাইবেলীয় পুরাণের ওপর একটি মন্তব্য। সুন্দর, কিন্তু একে কবিতা বলাবো কেন?

আলোচ্য গ্রন্থে বাইবেলের ঘটনার উল্লেখ আছে, শেষ অংশে প্রায় সমগ্র 'ঈনিভ' প্রতীক হিসাবে ব্যবহৃত হয়েছে, ভূমিকা লেখক আলেন ম্যাগেলবম এ-বিষয়ে গুরুগম্ভীর মন্তব্যও করেছেন। উনগারেস্তির কবিতা হয়তো স্থানে-স্থানে দুর্বোধ, তৎসঙ্গেও এ-কথা বলা যাবে না যে তাঁর কবিতার দুর্বোধাত্মক কারণ কোনো গোপন উল্লেখ, বা লুক্কায়িত শাস্ত্র। কবিতা দুর্বোধ হয় সাধারণত দুটি কারণে। এক, যখন কবির কোনো স্বতন্ত্র নিয়মাবলি জগৎ লুকিয়ে থাকে কবিতাটিতে, যেখানে অর্ধোদ্ধারের একটি চাবি সংগ্রহ না-করলে আমাদের হেঁচট খাবার আশঙ্কা পদে-পদে। যেমন, ইংরেজি ভাষার মেটাক্সিক্যাল কবিতা। আবার, এমনও হ'তে পারে, কবিতাগুলি

দেখতে-শুনতে অত্যন্ত সরল, কোনো আগে-থেকে-ভেবে-নেয়া নিয়মের জগৎ নেই সেখানে যেমতো কোনো চাবি খুঁজে নিতে হবে, অথচ কিছুতেই—অন্তত বার-বার না-পড়ার আগে—যার অর্থ ধরা দিতে চায় না। যদি প্রথম শ্রেণীকে অর্থাৎ দুর্বোধাতা বলা যায়, দ্বিতীয় শ্রেণীকে কী বলবো? অহুত্বিতগত দুর্বোধাতা? ধর্দশাস্ত্র, এবং ক্লাসিকাল সাহিত্যের ইতস্তত উল্লেখ থাকা সত্ত্বেও উনগারেস্তির কবিতার দুর্বোধাতা এই দ্বিতীয় শ্রেণীর।

'খুব অল্প জরে মরণ, এ-রকম কাচ যেন রাখালের হাত দুটি' (দীপ), বা 'রাস্তা এক তুঙ্গর মতো রাত কিরণে মূঠোর গর্তে' (প্রতিটি ধূসর)—এ-ধরনের পংক্তিকে স্ববোধ্য বলবার কোনো উপায় নেই, এবং এই পংক্তির ব্যাখ্যা কোনো শাইল্লেষণার দ্বারা সম্ভব নয়। এই উপমার লক্ষ্য আমাদের অহুত্বিত।

উপমারও প্রকৃতি আগাগোড়া এক রকম থাকেনি। প্রথম দিকের উপমার ইম্প্রেশনিজম, ও আর্দ্রতা কেটে গিয়ে যেন ক্রমশ শক্ত, কঠিন এক পৃথিবী উন্মোচিত হয়েছে তাঁর শেষ দিকের কবিতায়। কবিতাগুলো পড়ে মনে হয় তিনি যেন বোদাই ক'রে-ক'রে লিখছেন, এবং সমস্ত কবিতার একটা শক্ত, পাথুরে ভাব এমনভাবে জায়গা জুড়ে থাকে যে কোনো-কোনো পংক্তিকে স্থানে-স্থানে গুলুভার মনে হয়। 'মাটি', 'পাথর'—এই স্পর্শসহ পদার্থগুলো উল্লেখযোগ্যভাবে স্থান নিয়েছে তাঁর কবিতায়, এবং স্পর্শসহ কাঠিকের প্রতি উনগারেস্তির বৌদ্ধ কখনো রিলকের কথা স্মরণ করিয়ে দেয় আমাদের, কখনো বা সেজ্ঞারের। এবং, সমস্ত বইটা শেষ ক'রে উঠে শুধু মনে হয় যে; এখানে এমন একজন কবির সন্ধান পাওয়া গেলো যিনি প্রত্যেকটি শব্দ ব্যবহার করতে বহবার চিন্তা করেছেন, এবং 'Between one flower gathered and the other given the inexpressible Null' ('চিরন্তন') কবিতাটি তাঁর প্রত্যেক কবিতাতেই একটু-একটু ক'রে আছে, অর্থাৎ সেই শব্দটি আছে, যেটি ঈশ্বরদত্ত, অমোঘ, নির্মাল, এবং অত্রটি—যাকে কাঠখড় পুড়িয়ে সংগ্রহ করতে হয়েছে। ক্রোচে-কথিত 'বিশুদ্ধ স্বপ্না', যা সব-কিছুকে এফোড়-ওফোড় ক'রে একটি উজ্জলতায় উপস্থিত হ'তে চায়, উনগারেস্তির কবিতায় তা দেখতে

পাইনি বললে ভুল হবে। বস্তুত, 'জাহাজডুবির পর একটি ছিটকে-আসা নেকড়ে', 'হাওয়ায় গুল্লিত পাথরগুলোর ওপর চিতাবাঘের মতো তুমি', 'জলন্ত নীরবতার মতো প্রেম', 'আগুন-চোখের সেই নেকড়ে যা একটি বোটার মতো সমস্ত নগ্ন নির্জনকে ধরে রাখে', অর্থাৎ—উনগারেত্তির উপমার সমস্ত সংসার যেন বিশেষ একভাবে সারা বেধে দাঁড়িয়ে ছিলো। আমরা, একবার, এক মুহুর্তে তাদের যথাস্থানে দেখতে পেলাম।

এই সংকলনে উনগারেত্তির চারটি গ্রন্থ সম্মিলিত হয়েছে। প্রথম গ্রন্থের নাম 'অনন্দ', দ্বিতীয়টির—'সময়ের চেতনা বা বেদনা', তৃতীয়টির—'বিষাদ', শেষ গ্রন্থটির নাম—'প্রতিশ্রুত দেশ', এবং সংকলনটির নাম, 'একটি মানুষের জীবন'। সার্থকনামা। শেষ গ্রন্থটির 'কোরাস...' এবং অত্যাচ্ছ কবিতা সত্যিই তাৎপর্যময়। ঈনিস, যিনি স্বন্দর, এবং ঈপ্সিত দেশের স্বপ্নই থাকে চিরকাল উৎসাহ ছুগিয়ে চলে—উনগারেত্তির শেষ দিকের কবিতায় তিনি একজন প্রধান প্রতীক। উনগারেত্তিও বিশুদ্ধতমের স্বপ্ন দেখেন, শব্দগুলোকে ছাঁকতে-ছাঁকতে এমন এক জায়গায় পৌঁছে যান—যার পরে শুধু অপেক্ষা করে—

'Glean unseen of the dazzled  
Spaces where the stars  
Pass immemorable life  
Wild with the weight of solitude.'

বইখানার অহুবাদক মার্কিন, মূল্যাকর ইতালিয়ান, আমেরিকা, ইংলণ্ড ও ইতালিতে একসঙ্গে প্রকাশিত হয়েছে। ইংরেজি ভাষায় উনগারেত্তি এই প্রথম অধিগম্য হলে, এবং যদিও কিছু দেরি হ'লো, অহুবাদক ও প্রকাশক ব্যাপারে ভাগ্য তাঁর সহায় হয়েছে। অহুবাদে কোথাও আড়ষ্টতা নেই, কোনো-কোনো কবিতা পড়ে মনে হয় তা ইংরেজি ভাষায়ই আধুনিক কবিতা। বইখানা পেপার-ব্যাকে বের করার জন্ম আমরা প্রকাশককে অহুগোধ জানাই।

## পাস্টেরনাক-এর প্রসঙ্গে

অমিয় চক্রবর্তী

[ বৃহদেব বহুকে লিখিত পত্র ]

প্রিয়বরেষু

আপনার চিঠি পাওয়ারমাত্র পেপার-ব্যাকগুলি অর্ডার দিয়েছিলাম। সব বই এসেছে; একত্র কাল রওনা ক'রে দেব। সামান্য উপহারস্বরূপ আপনাকে কিছু সূত্রপ্রকাশিত বা অধুনা মুদ্রিত গ্রন্থ পাঠিয়েছি। আপনি গ্রহণ করবেন। সন্দেহইল পাস্টেরনাক-এর "আত্মজীবনী" সংবলিত ক্ষুদ্র রচনাসংগ্রহ।

পাস্টেরনাক-এর গদ্যসংকলনে পেলাম উৎকৃষ্ট শিল্পের নিদর্শন। হয়তো বইটা আপনি পূর্বেই পড়েছেন। ভ্রামণিক চিত্র ভোলবার নয়—যেমন ভেনিসের অহুভব-দৃশ্য—সব স্বন্দ্র বড়ো আশ্চর্য এবং যথার্থ। শুধু ভাব নয়, আবির্ভাব। আর্শির কাছে বিশিষ্ট একটি মনের নিভৃত বার্তার সন্দেহ প্রতিকলিত হয়েছে বাহিরের স্বন্দ্র চলচ্ছবি। ধরনটা মনে করিয়ে দেয় Kafka বা Rilke-র একটা দিক। যেখানে তাঁরা ডুব-সাঁতারি। ভাঙার ঘটনা জলের তল থেকে দেখেন অথচ অবতরণে মেলানো পটে খুঁটিনাটি বাস্তবের ভিড়। কখনো যে সরাসরি রাস্তাঘাটের সংবাদ ধরা পড়ে না তা নয়, কিন্তু সলিল থেকে ওঠা চুল-চেরা ক্যামেরার দলিল এঁরা পেশ করেন প্রতিভার বিকল্পে। কথাবার্তা কখনো ঘনধারা, এবং জরুরি; কখনো ছড়োয়া মেঘে অন্তর্হিত; আকাশের পরিচয়ে তাদের উদ্বেগভিচার সম্ভব, বক্তব্য হিসাবে ততটা নয়। পাস্টেরনাকও বিচিত্র ভঙ্গীর অহুসারে ভোগ্য, ভাব্য, স্পর্শিত বা দর্শনীয়কে তুলির টানে একত্র দিয়েছেন, মন-কেমনের প্রেক্ষিতে তাদের গুঢ় সজ্ঞা ধরা পড়ে, কখনো পড়ে না। স্মৃতির স্মৃতে অস্মৃত, যা হয়নি তাও যেন বীধা হল; যা ছিল বা আছে তার পারস্পর্ষি খুঁজতে হবে শিল্পীর দারুণ ইচ্ছায়, কালের বাহিরে। আগ্রহকের চূলে বা কঠোর ধরনিত প্রমাণিত হল বিপরীত ভুলে-বাওয়া সংকট, কেউ জানে না ঠিক কী হল, লেখকও নয়, কিন্তু স্বীকৃত হল

নির্ধাত সত্য। গল্পের ধারা বইছে ঐতিহাসিক ক্রমাধয়ে নয়, মঞ্জির সমন্বয়ে। মধ্যে যদি জ্বোর তুয়ার প'ড়ে থাকে তাহ'লে বাড়ির বা রাস্তার নাম টিকানা পর্যন্ত আনৌ বন্ডে যাবে, হয়তো রঙের বদল বেদনার চেয়ে বড়ো পরিবর্তন, ঐ শহরে থাক। সইল না। অথচ তলে-তলে যেন যুক্তির চেয়ে বড়ো যুক্তি ক্রিয়াশীল, অনিবার্য হ'য়ে দেখা দেয়, হয়তো প্রতীক হ'য়ে। মা'বুর্গে অধ্যয়ন-কালে পাস্টেরনাক জর্মান দর্শনের বিক্ষিপ্ত গিরেছিলেন, অথচ সরকারিভাবে Existentialism-এর পশ্চিমী অতীতি-তত্ত্ব দেখা দেবার পূর্বেই তাঁর লেখায় ছুঁয়েছিল আধুনিক জর্মান এবং ফরাসী শিল্পদর্শনের প্রাথমিকতা।

বই থেকে নেয়া, বা কাল্পনিক আরো উদাহরণ। ছায়ের যুক্তি পাখা মেলে উড়ে গেছে, মুক্তি ঠেকল তিনটে নোনো লাল ফলে, গাছের তলায় ছড়ানো। এরা আছে, এই। ভাল্লা ক'রে ঠাহ'র হলে মন যে কোনো-কিছুতে যুক্ত হয়, তাতেই সন্দেহের ভূমি উছলিয়ে ওঠে। গ্রাণ্ড ক্যানালের বিখ্যাত জল দেখলেন রুযীয় কবি, প্রাচীন মলিন অথচ তার ময়ূণ প্রবাহ সন্ধ্যায় জলে উঠল ইতালির তারা, ধরা দিল গণ্ডোলার বিহ্বল ফোটোগ্রাফ। কত যুগের মহান সভ্যতা প্রসিদ্ধ কোনো একটি মুহূর্তকে অবলম্বন ক'রে দৈবে দেখা দেয়, এবং বিশেষ নির্ভর যেন এই দূরাগত কবির চোখে। যা মনে হয় আকস্মিক, বা অকস্মিকের তারই উপরে পাস্টেরনাক-এর ঝোক; তিনি উদ্ধার পেয়েছেন হঠাৎ সংলগ্নতা। বার্নার শব্দ বা শ্রোত তাঁর বিখ্যত বন্ধু, সাংঘাতিক অবস্থায় তাঁকে বহবার আশ্রয় দিয়েছে (স্বজীবনীতে; ডাক্তার জিভাগো উপন্যাসে); মর্মরজালে বেঁধেছে চুরমার অথবা ঠিকের-পড়া বর্তমানকে। না-হ'লে ট্রেনযাত্রীর মহাছঃখ, অগ্রমনক বড়ো-বড়ো পাছ, রক্ষা করা যেত না। যিদের গেলস, চিরুনি, পু'টিল-ভরা বাসনার উৎসে অতীতের বড়ে অথবা নবা প্রলয়ে তছনছ হ'য়ে চৈতন্য হারানো। অনির্দেশ সন্ধান আছে প্র্যাটর্কর্নের পাশে দরিদ্রা দোকানি-মেয়েদের চীজ বা সসেজ্ বিক্রির আশার, যার প্রাণ্ডে ঘন অরণ্য। যুদ্ধের অন্তীলতায় বা সামরিক ক্রোতার জঙ্ক-বাক্যে ও ব্যবহারে প্র্যাটর্কর্নের কোণে সেই কেনা-বেচার

অপমৃত্যু ঘটল না। তার একটা কারণ তখনো বার্নার ধ্বনিত্তে একটি দিন জেগে আছে।

বলা বাহুল্য, এই দিকটাই শিল্পী পাস্টেরনাক-এর সম্পূর্ণ প্রাক্ক-জিত্তাগো পরিচয় নয়, কিন্তু তাঁর অনেকখানি মিল নবু'ইয়ে-পাওয়া (এবং কিছু আধুনিক) পশ্চিম-য়ুরোপের সঙ্গে। সেই যুরোপ যা গভীর, অথচ অত্যন্ত ভূবে-পাওয়া; যা আয়ুর ভারে আচ্ছন্ন অথচ শিল্পে যার পরিচ্ছন্ন মূর্তির অভাব নেই; যেখানে যুগ-সন্ধির চেয়ে যুগ-সন্ধ্যার প্রাচুর্ভাব।

মাত্রা নিয়ে কথা। বোঝা যায় এই ধরনের একান্ত আত্মকেন্দ্রিক লেখকের পক্ষে উৎকেন্দ্রিক হবার বাধা কম। ভাগ্যক্রমে রাশিয়ায় এঁর জন্ম, প্যারিসের গলিতে নয়; তাই সাইবেরিয়ার দিগন্ত-জোড়া টুনড্রা, জনসংঘের দোল এঁর পৃষ্ঠায় হঠাৎ অবতীর্ণ হয়। টলস্টয় টুর্গেনিভের ইনি সগোজ তাও বোঝা যায়, কিন্তু কতক্ষণ? শেষ পর্যন্ত ইনি ভয়র্ভ; শুধু বহির্গত কারণে নয়, আত্মবভাবের বশে।

কোথায় যেন দুই জগতের মিল ঘটেনি এই যুগশেষ-বিলাসীদের শিল্পে। যা উজ্জল অথচ প্রাচীন, যা আগামী অথচ স্বর্ষসম্ভাবী তার সংগম যেন এঁরা চৈতন্যের সাধনায় জানেন নি। হয়তো সর্কীয় অর্থে চৈতন্যসাধন—কেবলমাত্র যা মনস্তাত্ত্বিক, বা সৌন্দর্যপিপাসায় অবসরহীন—মাছঘের পূর্ণ দৃষ্টিকে ব্যাহত করে। এইখানে রবীন্দ্রনাথ বা গোটের প্রতিভা অশ্রুতর। অহুত্বতির হৃদয়তম তারে কবি কালিদাস বা শেলি ধরেছিলেন অপরাঞ্জয়ে মানবচিন্তের ভবিষ্যৎ। দুঃসাধ্য জাতীয়, অথবা মহাজাতীয় বিপর্ধয়-পারগামী উজ্জীবনকে পাস্টেরনাক এখানে গুঢ় অভিজ্ঞতায় স্বীকার-করতে পারলেন না। তর্জমায় কবিতার বিচার হয় না, তাই তাঁর কাব্যের প্রসঙ্গ এখানে বহির্গত। কিন্তু তাঁর নতুন বা পুরোনো গল্পের বলমলে পরিচয়ে আজ পর্যন্ত চারিত্রের উদার প্রসঙ্গ হ'য়ে দেখা দেয়নি অনাগত, বা সমাগতের বৃহৎ জগতে। যেখানে দৃষ্ট বাসনা, আত্ম-রতি বা বিরতির চেয়ে বড়ো সন্দেহের অধিকারী মাছঘ পথ খুঁজছে, সেই মাছঘের শিল্প-নির্ভর অজ্ঞান। প্রাতাত্ত্বিক আলো এমনকি



মূল্যের সন্মানে আছে সেই অমল্ল, যা নিরন্তর আত্ম-জর্জর হৃদয়গত সাহিত্য  
হ্রদ্বা।

বিষপ্রকৃতি দাঁড়িয়ে আছে প্রাণের আয়তনে সম্পূর্ণ, অথচ বিপুল অপার  
তৃপ্ততম থেকে মৌরতর সেই প্রতিষ্ঠা। সাহিত্যের অনেকখানি মূলধন সেখানে।  
কিন্তু ইতিহাসের তুমুল বিবর্তনে কেণ্টি অগ্ন্যহের প্রকাশরূপী নাট্যে পর্বে-পর্বে  
যে জনানীর যাত্রা খুলে যাচ্ছে, তাও বিষপ্রকৃতির অন্তর্গত। সেখানেও  
কখনো প্রতিহত স্ববিরোধী, কখনো জ্ঞত অভিব্যাপী জনশ্রোতে সাহিত্যের  
মহাধন খুঁজে নিতে হয়। শিল্পী এই ত্যাগের বর্ধের ঐতিহাসিক মানবিকতাকে  
অস্বীকার করলে অনেকখানি বঞ্চিত হন; পাট্টেরনাক-এর মতো শ্রেষ্ঠ লেখক  
এই স্বনির্ধান মনে নেবেন তা মনে করা যায় না। যদি জবাবাহি আসে  
কোনো রাষ্ট্রিক ঘটনার যোগে তাহ'লে বোঝা যাবে শিল্পের দিক থেকে পুরো  
উত্তর দেওয়া হল না।

বৃকতে পারছেন “ভক্তার জিভাগো”র প্রসঙ্গ এড়াতে পারিনি।  
শৈল্পিক বিবিধ অভাব ক্রটি সম্বন্ধে এত মহান শক্তিশালী রচনা যে-  
কোনো যুগেই আন্দোলন তুলত। কিন্তু এই অর্ধ-পোলিটিকার নোবেল-  
প্রাইজের যুগে (যেখানে জেনারেল মার্শাল শাস্তির বংশিন পান, মহাত্মা  
গান্ধীর নাম পর্বন্ত ওঠে না) পাট্টেরনাক বিপর্বন্ত হলেন উভয় পক্ষের  
মন্ত্রদের হাতে। ঠাণ্ডা লড়াইয়ের ক্ষণেরা তাঁর নামকে টেনেছে বাক্স-ভরা  
বাক্যের মিথ্যায়। কোনো পক্ষেরই জিং হবে না ঐ বইয়ের জোরে।  
কারণ যদিও তিনি রুশ বিপ্লবের দাহ-চিত্র এঁকেছেন—শাদা-লাল কাকেও  
সমর্থন না-ক'রে—শেষ পর্বন্ত তাঁর শিল্প নিভৃতচারী, এমনকি সংকুচিত;  
ধীর নৈশঙ্কে উঁকে শোনা যায়। অথচ কাণ্ড এই যে স্তচাক  
শিল্পীকে নিয়ে ঘনিজে উঠল অব্যবসায়ীদের ঝড়। ঝারা লেখক বা কৃচিশীল  
পাঠক তাঁরা এই বাগ্-বুদ্ধে বিরত হ'লে ভালো করতেন, এখন উপায়  
নেই। কোতুকের বিষয় এই যে নানা দেশে রেডিও এবং হলদে-কাপড়ি  
পত্রিকায় ঝারা সাক্ষ্য ব্রহ্মবাক্য বিতরণ করছেন তাঁরা কক্ষের ব্যাঘাঘ

ক-উচ্চারণ জানেন না, জিহ্বাপ্রাে জিভাগো তাঁদের কাছে নামমাত্র, কিংবা  
কলহের উজ্জত হিহ।

বইখানি আছোপান্ত ভালো ক'রে প'ড়ে দেখেছি। বহাবথ আলোচনা  
পড়ে অসাধা, কিন্তু শীর্ষস্থানীয় কোনো আধুনিক বইয়ের প্রতিক্রিয়া হৃদয়ে এত  
আঘাত, এত অনির্বচনীয় ধ্বজতা, এত নৈরাশা এবং কোভ একই সঙ্গে জাগিয়ে  
তুলবে ভাবিনি—শুধু সেইটুকু বলতে চাই। আমরা ধারণা বইখানির  
বিষজ্ঞোড়া ফল মোটের উপর সোভিয়েটের সপক্ষেই মর্বাদা বাড়াবে, যদিও  
টিক বলতে পারি না। তার একটা কারণ এই যে গল্পের সব চেয়ে প্রচ্ছন্ন অর্থ  
স্বরণীয় পৃক্ব চরিত্রের মধ্যে প্রধান বোধ হয় স্ট্রেন্‌লিখভ। অর্থ তিনি  
সোভিয়েট কর্মী। তাঁর স্বভাবজাত কঠিন বীর্য হঠাৎ জ'লে উঠল চরম ত্যাগের  
মহিমায়, যদিও তারও চেয়ে মহিমার জড় চাই বাঁচবার কলাপনসাধনা।  
তুলনায় ডাল্লার জিভাগোকে অতি বাক্যশীল এবং বিলুপ্ত মননজীবী ব'লে লম  
করা পাঠকের পক্ষে আশ্চর্য নয়। মনে পড়ছে স্ট্রেন্‌লিখভের শেষ জীবনরাজি।  
অবিস্মরণীয় লারিসার সম্পর্কে দুই পৃক্বকেই শিল্পী উদ্দেশ্যে তুলে ধরেছেন,  
কিন্তু মতুন কালের উতোগী বীরের প্রতি মাছুরের বেশি আকর্ষণ, বিশেষ ক'রে  
যখন তা অপ্রত্যাশিত ক্ষমা এবং করুণায় দেখা দেয়। লারিসার চোখে  
স্ট্রেন্‌লিখভের মূর্তি চিরদিনের মতো সাহিত্যে আঁকা রইল।

পাট্টেরনাক-এর সৃষ্টিশীল মনকে জিভাগোর সঙ্গে একীভূত করা স্রবিচার  
নয়, কিন্তু মূলত এই আত্ম-বিভক্ত, জটিল, স্ববিলাসী ভক্তারকে তিনি বড়ে  
জায়গা দিয়েছেন। সেই জায়গা আমরাও দিতে রাজি, কিন্তু যদুচ্চাচারী অসম  
জীবনের অজ্ঞান দিক আমরা লক্ষ্য না-ক'রে পারি না। মারিনার প্রতি  
বুদ্ধ জিভাগোর ব্যবহার শিক্ষারের যোগ্য বললে কম বলা হয়। কতকগুলো  
পুরোনো মতামত লেখবার বিরাট দায়িত্ব নিয়ে এই লেখকবীর ভক্তার  
সংসারকে পায়ে মাড়িয়ে যাবেন, অথচ লোকেরা যশোগান করবে এমনটা আশা  
করা যায় না। বায়রনী বৃত্তিকে আটের মূল্যে আজ কেউ বেচতে গেলে  
বার্ধ হবেন, এমনকি স্বয়ং পাট্টেরনাক-ও। জানি, জিভাগোর ঐ অবস্থা

তার পতনের চিহ্ন বলেই ঝাঁক। হয়েছে এবং এক পক্ষের সমালোচকেরা খুশি হয়ে ঘোষণা করছেন এই পতনের (এবং বিখ্যাজড়া যত কিছু পাণের) একমাত্র কারণ বিশেষ একটি রাষ্ট্র। কিন্তু এই ধরনের যুক্তিকে গ্রাহ্য করতে নেই। আর্টের সঙ্গে সমগ্র মানবের এবং সমাজের যে-যোগস্বহৃৎ আছে তার উজ্জ্বলতর পরিচয় পাফ্টেরনাক কোনোদিন লেখায় ব্যক্ত করবেন আশা বইল।

পলিটিক্সের দিক থেকে পাঠকমাত্রই বুঝবেন অন্ধ বিপ্লবই রুথ আন্দোলনের বা অন্ধ কোনো জাতীয় আন্দোলনের সম্পূর্ণ ব্যাখ্যা নয়। কল্যাণে বিজ্ঞানে শিল্পে মানুষ এগিয়ে গেছে, বিপ্লবকালের এবং পরবর্তী কালের শত-শত অবর্ণনীয় অমার্জনীয় পাপ সবেও। আবার বালি, অমার্জনীয়, কেননা কোনো উদ্দেশ্যেই বিভীষিকা অত্যাচার বর্বরতা আমরা মানি না। কিন্তু এই ব্যাপার একটি কোনো দেশের স্বক্ষে চাপিয়ে আমরা উদ্ধার পাবো না। পাফ্টেরনাক-এর ঠিক সেই ইচ্ছা ছিল না, যা তিনি নিজের জীবনের বিশেষ ঘের দিয়ে জেনেছেন তাই নিয়েই লেখা তাঁর বই। কিন্তু ইতিহাসের ব্যাপকতর জ্ঞান কোথাও ফুটিয়ে তুললে তিনি ভালো করতেন। করাসী বিপ্লবে, আমেরিকার স্বাধীনতা সংগ্রামে অথবা এশিয়ার বহু “ধর্মযুদ্ধে” পাণের রক্তবছা ব’য়ে গেছে। পাফ্টেরনাক-এর বুলি বজ্র হ’য়ে সকল বর্বরতাকে বিদ্ধ করলে নানা পক্ষ হ’তে ঘোর আপত্তি উঠত জানি—হয়তো দেশে দেশে তাঁকে বিকৃত স্থান দিত—কিন্তু স্বাধীন সাহিত্যবিচারের পক্ষ হ’তে আমরা আপত্তি জানাবার দলে নই। আমরা অর্ধে ভারতীয় নয়, সকল দেশের সেই আমরা, যারা এখনো রাষ্ট্রিক আধিতে সম্পূর্ণ দৃষ্টি হারায়ে নি। এই সব তীর প্রসঙ্গে শুধু ব্যক্তিবিশেষের নয়, বহুজনীন সমাজের অজ্ঞ আরেকটা দিক উল্লেখিত হ’লে জিজ্ঞাসা-প্রশ্নের মর্বাদা বাড়ত। আপন দেশের উল্লেখ সেই অপরাঙ্কের কল্যাণশক্তির নূতন পরিচয় জানালে ক্ষতি কি? নৃশংসতার বিরুদ্ধে, ব্যক্তিগত অস্বাধীনতার বিরুদ্ধে বর্ষিত শিল্পবাক্য কোনো তথ্যের স্বীকারে দুর্বল হ’ত না, প্রবলতর হ’ত, কেননা “সার্বিক রাষ্ট্র-মন্ত্রের ফাটলে কোথাও একটু মনুষ্যত্ব মাথা তুলেছে, সেই মনুষ্যত্ব থেমে নেই ছড়িয়ে যাচ্ছে এই কথা বলার দ্বারা অসত্য বা অজ্ঞায়ের সমর্থন করা

হয় না। এই সহজ সত্যটি মহা প্রতিভার আলোয় দৃষ্ট হ’য়ে ওঠেনি ব’লে পাফ্টেরনাক-এর প্রতি অসীম শ্রদ্ধাশীল পাঠকের মনও ক্ষুব্ধ হয়।

খৃষ্টধর্মের ব্যাখ্যাতরুপে ডাক্তার জিভাগোর ব্যবহার অতি বিচিত্র। চরিত্র বা আচরণের ক্ষেত্রে হ্যা হেটোমেন্ট কেবল আশ্রয়বাক্যের মতো শুভে বুলে আছে, বারবার রোকেচারণ চলেছে কিন্তু একান্ত স্বার্থপরতা, দুর্বল মননের ক্রিয়াকাণ্ড তারই ছায়ায় লালিত হল, যেমন শুনেছি জুয়ো-খেলার সঙ্গে-সঙ্গে তিব্বতী প্রার্থনাচক্র আবর্তিত হ’ত। মোক্ষের এই উৎকৃষ্ট উদাহরণ ঠাণ্ডা লড়াইয়ের পশ্চিমী ধার্মিক অনায়াসে গ্রহণ করেছেন, জিভাগোর খৃষ্টধার্মিকতার উপর কত ভজন উপদেশ আমরা শুনলাম তার ঠিক নেই—অথচ যথার্থ খৃষ্ট-ধর্মীদের কথা আলাদা। তাঁরা ঠাণ্ডা-গরম কোনো হত্যাকাণ্ডের সপক্ষে নন। অত্যাচ ধর্মাবলম্বীদের মধ্যেও এই শুভতা বিধের প্রত্যেক দেশেই ছড়ানো। কিন্তু খবরের কাগজে সেই খবর নেই কেন। যতদূর মনে পড়ছে ভারতবর্ষের কোনো কাগজে জিভাগো গ্রন্থ বিষয়ে পশ্চিমের প্রতিক্রিয়া বা তারই সমর্থন ছাড়া অজ কিছু শুনি নি। আমার দূর কানে ঠিক আওরাজ মাতৃভূমি থেকে এসে পৌছয়নি, এই আশ্বাস চিঠিতে ব্যক্ত করি।

হাওয়াই-ডাকের দীর্ঘ পত্রের ছ-ছ ক’রে যা-কিছু শিখে ফেললাম তা বইয়ের আসল মর্মকে বাদ দিয়ে রচিত। শুক্র হ’য়ে যাই যখন লারিসার কথা ভাবি। জিভাগোর জীবনের উচ্চ শিখরে-শিখরে যে-আগুন আলো হ’য়ে উঠল, নত হ’য়ে উন্নত হ’য়ে তাকে পাঠকের নমস্কার জানাই। অজ কোনো চিঠিতে হয়তো সেই চিরন্তন দীপ্তির পরিচয়ক্ষেত্রে নামব, যেখানে পাফ্টেরনাক-এর রচনা মুত্বাহীন। জিভাগোর মৃত্যুর অপ্রত্যাশিত পরমুহূর্তে সেই অমরতা দেখতে পাই। লারিসার কয়েকটি কথায় শিল্পের মস্তোচ্চারণ হল, জীবনে যার শেষ নেই। তার পরে তার নিজের নামহীন অনির্দেশ এবং মৃত্যুর সম্ভবপর ঘটনা যেন মৃত্যুর অধিকারের বাহিরে। যেখানে পাফ্টেরনাক আমাদের নিয়ে দাঁড়ানেন শিল্প সেই অন্ধনের চতুর্দিকে, তার তলে, তার উর্ধে।

জীবনে-জীবনে বিচ্যুত আলো দেখা গেল, হয় তা বহু গৃহদীপের, নয়তো  
আকাশের গ্রহমালায়।

পাস্টেরনাক-এর কাব্যের প্রসঙ্গ তুলব না বলেছিলাম, যদিও ইংরিজি তর্জমার  
বন্ধ কাচের জানলা দিয়ে যা দেখেছি তাতেও মুগ্ধ হয়েছি। জালি-কাজ-করা  
ছায়ায় আলোয়, কাচের ছাঁকনিতে উজ্জ্বল কড়টুকু কী দেখেছি তা বাচাই  
করবার সাহস নেই। কিন্তু পাস্টেরনাক আসলে কবি। যদিও তাঁর গল্পে  
চরিত্রহীন, ঘটনার আবহরণনার শক্তি অসামান্য, শেষ পর্যন্ত গভীরে যেখানে  
তিনি কবির বর্থাৎ অবসর পেয়েছেন সেই সব মুহূর্তেই তিনি জয়ী। তাঁর  
জয়লাভ সেখানে সকলের সঙ্গে এক হ'য়ে, হোক তা মাহুশ, বা সংসার বা  
পৃথিবীর অস্ত্র কোনো দান। এই অর্থে তিনি বলেছেন—

“The nameless ones are part of me  
Children also, the trees, and stay-at-homes,  
All these are victors over me—  
And therein lies my sole victory.”

স্ট্রটন, ম্যাসাচুসেটস  
১৮ ডিসেম্বর ৫৮

**স্বপ্নেরও ভিতরে**

মানবেন্দ্র বন্দ্যোপাধ্যায়

স্বপ্নেরও ভিতরে ঘোর সেই এক জটিল বেড়াল  
তীক্ষ্ণ নখের ধার গোপনে যে চোরাই রেশমে  
লুকিয়ে হঠাৎ আসে বর্ণচোরা চটুল আলোয়  
যেখানে, আমার প্রাণে, সক্ষম তরীও কিনা টাল  
সামলাতে না-পেরে ঘোরে রক্তে, স্রোতে : নির্বোধ নিয়মে  
বিপজ্জনক স্মৃতি বারে-বারে ছিটোয় বিলয়।

ছিলো টান হ'য়ে ছিলো ; সে এসে, ছয়বেশে, দিলো  
স্পন্দনে হিংস্র স্বর, স্বেচ্ছাচারী রক্তে স্বর, ফুল  
ফুটে উঠলো অন্ধকারে, ন'ড়ে-ওঠা অলংকার কুল  
ছাপিয়ে, উঠলো বেজে, আর যুদ্ব একরোখা আলো  
অভিমানে ম'রে গেলো, যেহেতু নকল চাঁদমারি  
লক্ষ্য ক'রে ছুটে গেলো ভ্রষ্ট তীর অস্থির দেমাকে :  
যেন কোনো সূয়াশায় ঠিক পথ না-চিনে না-দেখে  
যে-দেশে পৌঁছনো গেলো তারও রাজ্য বেড়াল, শিকারি।

সংসারী বোদ্ধ

দীপক মজুমদার

আবার আশাবরী তোমার স্মৃতি  
চিবুকে দাঁতে জ্বিভে নেশা  
বিলাসী আলো তার ক্ষমা ও প্রীতি  
রাত্রি আবরণে মেশা।

দূরের হাঁসগুলি এখনো চ'লে যায়  
বিদেশী সূর্যের চোখে  
এ কোন উল্লাস! ওপাশে মৃত চাঁদ  
ঝড়ের মন্দিরে ও কে!

ভুলেছি সব তবু দুই চোখে  
প্রতিটি ছায়া কেন কাঁপে  
আমারই পদপাত এই বুকে  
শ্রাবক যৌবন যাপে।

বন্ধু, আমলিন জ্যোৎস্না  
সেও তো স্বপ্নের ভাষা।  
তোমার চূষনে লঙ্ক  
চিবুকে দাঁতে জ্বিভে নেশা।

রাত্রি প্রবাসের তারাহীন  
শূন্যে করুণার শিখা,  
নীরব আশ্রয়ে প্রতিদিন  
জলে কি প্রাস্তরের পাথা!

---

কবিতাভবন, ২০২ রাসবিহারী এডিনউ, কলকাতা ২৯ থেকে প্রকাশিত ও ১৪১  
সুয়েন্দ্রনাথ ব্যানার্জী রোড, কলকাতা-১৩ মেট্রোপলিটান প্রিন্টিং অ্যান্ড পাবলিশিং  
হাউস প্রাইভেট লিমিটেড-এ মদ্রদিত।

সম্পাদক, প্রকাশক ও মদ্রক : বৃন্দ্রদেব বসু। সহকারী সম্পাদক: নরেশ গহু।